

重刻 通典



五	漢
一	書
四	門
六	
九	
〇	
架	類
函	號

三	五	漢
函	一	書
二	六	
六	八	
	〇	
架	冊	類
	號	

內閣文庫	
番號	漢 5160
冊數	48(29)
函號	293 124

百十九三百三十三

二十九



通典卷第一百十九

唐 京兆杜佑君卿纂

禮七十九 開元禮纂類十四 吉十一

皇帝封祀泰山 禪社首出附

鑾駕進發 禪儀無此篇

皇帝將有事於泰山有司卜曰如別儀告昊天上帝太

廟太社皆如巡狩之禮 告太廟高祖祝文加封祀配神



配神作主之意 皇帝出宮備大駕鹵簿輶於國門祭所過山川

古先帝王名臣烈士皆如巡狩之禮通事舍人承制問

百年所經州縣刺史縣令先待於境至泰山下柴告昊

乾隆十二年校刊

禮七十九



天上帝於圓丘壇如巡狩告至之禮有司前祀所司以攝事太牢祭於泰山神廟如常式

齋戒

前七日太尉戒誓百官

封云封於泰山禪云禪於社首山齋儀同封祀

皇帝散

齋於行宮後殿四日致齋於前殿三日服袞冕結珮等

並如圓丘儀

百官如別儀

制度

將作大匠先領徒於泰山上立圓臺廣五丈高九尺土色各依其方又於圓臺上起方壇廣一丈二尺高九尺其臺壇四面各為一陛玉板長一尺三寸廣五寸厚五

寸刻牒為字以金填之用金匱盛

其玉牒文中書門下進取進止所司承旨

請內鑄其名檢等並如後制

郊社令積柴為燎壇於山上圓臺之東

南量地之宜柴高一丈二尺方一丈開上南出戶方六

尺又為圓壇於山下三成十二陛如圓丘之制隨地之

宜壇上飾以元四面依方色壇外為三壇郊社令又積

柴於壇南燎如山上之儀又為玉冊皆以金繩連編玉

牒為之每牒長一尺二寸廣一寸二分厚三分刻玉填

金為字

少府監量文多少為之

又為玉匱一長一尺三寸并檢方

五寸當纏繩處刻為五道當封寶處刻深二分方取容

受命寶印以藏正座玉冊制度如玉匱又為黃金繩以

纏玉匱金匱又爲石礮以藏玉匱用方石再累各方五尺厚一尺縱鑿石中廣深令容玉匱礮旁施檢處皆刻深三寸三分濶一尺南北各二東西各三去隅皆七寸纏繩處皆刻深三分濶一寸五分爲石檢十枚檢石礮皆長三尺濶一尺厚七寸皆刻爲三道廣一寸五分深四寸當封處大小取容寶印深二寸七分皆有石蓋制與封刻處相應以檢擬封印其檢立於礮旁當刻處又爲金繩三以纏石礮各五周徑三分爲石泥以封石礮以石未和方色土爲其封玉匱金匱石礮同用受合寶並所司量時先奏請出之爲距石十二枚皆濶二尺厚一尺長一丈斜刻其首令與礮隅相

應分距礮四隅皆再累爲五色上圓封以封石礮上徑

一丈二尺下徑三丈九尺禪禮

之制八角三成每等高四尺上
陛廣八尺中等陛廣一丈下等
壇量地之宜四面開門玉冊石
匱全泥檢距圓封立碑等並如
禮度將祭將作先於社
廟所爲禪祭壇如方丘
同十六步設八陛上等
陛廣一丈二尺爲三重
記之儀

陳設

前祀三日衛尉設文武侍臣次於山下封祀壇外壇東門之內道北皆文官在左武官在右俱南向設諸祀官次於東壇之外道南北向西上三師南壇之外道東諸王於三師之南俱西向北上文官從一品以下九品以上於祀官之東皇親五等以上諸親三等以上於文官

乾隆十二年校刊

禮七十九

之東東方諸州刺史縣令又於文官之東俱北向西上
介公鄴公於南壇之外道西東向諸州使人於介公鄴
公之西東向諸方之客東方南方於諸王東南西向西
方北方於介公鄴公西南東向皆以北爲上武官三品
以下九品以上於西壇之外道南北向東上設諸饌幔
各於內壇東門西門之外道北南向北門之外道東西
向壇上及東方之饌陳於東門外南方及西方前祀二
日太樂令設宮懸之樂於山下封祀壇之南內壇之外
如圓丘儀右校掃除壇之內外禪儀祭前三日尚舍壇
長施大次於外壇東門
內道北尚舍鋪御座守宮設文
武官次於大次前東西
嚮向諸祀官於東壇外文官九
品以上於祀官東皇親

諸親又於其東蕃客又於其東介公鄴公於西壇外道
南武官九品以上於介公鄴公西蕃客又於其西襄聖
侯於三品文官下有諸州使分於文武官後設陳饌幔
於內壇東西門外道北南向其壇上及東方饌陳於東
門之外南方西方北方饌陳於西門外陳樂前祀一日
懸則樹靈鼓右校掃除又爲瘞培於壇土地
奉禮郎設祀官公卿位於山下封祀壇內壇東門之外
道南分獻之官於公卿之南執事者位於其後每等異
位重行西向北一設御史位於壇上一位於東陛之南
西向一位於西陛之南東向設奉禮位於樂懸東北贊
者二人在南差退俱西向設協律郎位於壇南陛之西
東向設太樂令位於北懸之間當壇北向設從祀之官
位三師位於懸南道東諸王位於三師之東俱北面西

上介公鄜公位於道西北面東上文官從一品以下九品以上於執事之南東方諸州刺史縣令又於文官之南每等異位重行西向俱以北爲上武官三品以下九品以上位於西方值文官皇親五等以上諸親三等以上於武官之南每等異位重行東向諸州使人位於內壝南門之外道西重行東面皆以北爲上設諸國客使位於內壝東門之外東方南方於諸王東南每國異位重行北向以西爲上西方北方於介公鄜公西南每國異位重行北面以東爲上其褒聖侯於文官三品之下諸州使人各於文武官後

禪儀奉禮設御位壇東南設祀官位於內壝東門外道南

分獻官於祀官南執事者位於後設御史位二於壇東南西向令史陪後設奉禮位於懸東北贊者二人在南差退協律郎於壇上太樂令於北懸間並如常設望瘞位於壇東北從祭官於執事南皇親又於南諸州刺史縣令又於南蕃客又於南介公鄜公於內壝西門外道南武官於後蕃客於武官南設門外位於東西壝門外道南皆如設牲勝於山下封祀壇之外當門西向蒼牲一居前正座又蒼牲一配座青牲一在北少退南上次赤牲一次黃牲一次白牲一次元牲一以上五方帝座又青牲一大明又牲一夜明也禪禮設牲勝東壝外如式正座黃牲一居前配座黃牲一在北少退神州黜牲一在南少設廩犧令位於牲西南令史陪其後俱北向設太祝位於牲東各當牲後祝史陪其後俱西向設太常卿省牲位於牲前近北又設御史位於太常卿之西俱南向

乾隆十二年校刊

禮七十九

五

設昊天上帝酒罇於圓臺之上下太罇二著罇二犧罇
二山罇二在壇上於東南隅北向象罇二壺罇二山罇
四在壇下於南陛之東北面西上設配帝著罇二犧罇
二象罇二山罇二在壇上皆於昊天上帝酒罇之東北
向西上其山下封祀壇設五帝日月俱太罇二在神座
之左其內官每陛間各象罇二在第二等中官每陛間
各壺罇二在第三等外官每陛間各概罇二於內壇之
內衆星每道間各散罇二於內壇之外凡罇各設於神
座之左而右向五帝日月以上之罇置於坫內官以下
儀設皇地祇太罇一著罇二犧罇二山罇二在壇上東
南隅北向象罇二壺罇二山罇四在壇下南陛之東北

向俱西上設配帝著罇二犧罇二象罇二山罇二在壇
上正座罇東北向西上神州太罇二在第一等每方
鎮海瀆俱山罇二山林川澤各壺罇二邱
陵以下各散罇二皆於壇下皆加勺幕設罇洗各於
壇南陛東南亞獻之洗又於壇東南俱北向罇水在洗
東篚在洗西南肆篚實以巾爵設分獻罇洗篚幕各於其方
陛道之左俱西向執罇罇篚幕者各於罇罇篚幕之後
各設玉幣之篚於壇之上下罇坫之所祀日未明五刻
太史令郊社令各服其服升設昊天上帝神座於山圓
臺之上北方南向以三脊茅爲神籍設高祖神堯皇帝
神座於東方西向席以莞神位皆於座首又太史令郊
社令設五方帝日月神座於山下封祀壇之上青帝於

東陛之北赤帝於南陛之東黃帝於南陛之西白帝於西陛之南黑帝於北陛之西大明於東陛之南夜明於西陛之北席皆以藁秸設五星十二辰河漢及內官之座於第二等十有二陛之間各依方面凡席皆內向其內官中有北斗北辰位南陛之內差在行位前設二十八宿及中官之座於第三等亦如之布外官席位於內壇之內眾星席位於內壇之外各依方次席皆以莞設神位各於座首禪禮神位皇地祇神座於壇上北方南方西面席以莞神州於第一等席以藁真皇帝座於東以下於內壇內各於其方嵩岳以下於壇西南俱內向席皆以莞所司陳其異寶及嘉瑞等於樂懸之東西廂禪禮無瑞

省牲器

省牲之日午後十刻去壇二百步所諸衛之屬禁斷行人脯後二刻郊社令丞帥府史三人及齋郎以罇坩壘洗籠罍入設於位凡升壇者各由其階贊引引御史諸太祝七人與祝史行掃除於下其五星以下羊豕所司各依令先備如常儀並如別儀禪禮無五星以下羊豕餘同

鑿駕上山

前祀三日本司宣攝內外各供其職衛尉設祀官從祀羣官五品以上便次於行宮朝堂如常儀前祀二日尙

乾隆十二年校刊

禮七十九

舍直長施大次於圓臺東門外道北又於山中道設止
息大次俱南向尚舍奉御鋪御座衛尉設從駕文武羣
官及諸方使應從升者於圓臺南門之外文東武西並
如常儀郊社令設御洗於圓臺南陛之東北向壘水在
洗東篚在洗西南肆設巾其日奉禮設御位於圓臺南
當壇北向設羣官五品以上版位於御位之南文東武
西重行北向相對爲首設東方諸州刺史縣令位於文
官之東諸州使人位於武官之後設蕃客位東方南方
於文官東南每國異位北面西上西方北方於武官西
南每國異位北面東上設御史位於圓臺東西如祀禮

設奉禮贊者位於羣官東北西面設執事位於東門之

內道南西面皆北上前祀一日未明七刻搥一鼓爲一

嚴二嚴時節祀前未明五刻搥二鼓爲再嚴侍中版奏

請中嚴從祀官五品以上俱就次各服其服所司陳大

駕鹵簿未明二刻搥三鼓爲三嚴諸衛之屬各督其隊

與鈸戟以次陳於行宮門外謁者贊引引祀官通事舍

人分引從祀羣官諸侍臣結珮俱詣行宮門外奉迎侍

負寶如式乘黃令進輦於行宮門外南向侍中版奏請登山

皇帝服袞冕乘輦以出稱警蹕如常儀黃門侍郎進當

輦前跪奏稱黃門侍郎臣某言請鑾輿進發俛伏興退

復位鑾輿動又稱警蹕黃門侍郎侍中中書令以下夾引以出千牛將軍夾輿而趨駕至侍臣上馬所黃門侍郎奏請鑾輿權停勅侍臣上馬侍中前承制退稱制曰可黃門侍郎退稱侍臣上馬贊者承傳文武侍臣皆上馬諸侍衛之官各督其屬左右翊鑾輿在黃麾內符寶郎奉六寶與殿中監後部從在黃鉞內侍臣上馬畢黃門侍郎奏請鑾輿進發退復位鑾駕動稱警蹕如常鼓吹不鳴不得誼譁從祀官在元武隊後如常若復先置則聽臨時節度車輅鼓吹待於山下御史大夫刺史縣令前導如式至中道止息大次前迴輦南向侍中奏請降輦如常皇

帝降輦之大次羣官皆隨便而舍停大次三刻頃侍中奏請皇帝出次升輦進發如初駕至臺東門外大次前迴輦南向侍中進當駕前跪奏稱侍中臣某言請降輅俛伏興皇帝降輦之大次如常儀通事舍人承旨敕從祀羣官退就門外位禪儀鑾駕出行宮如封泰山之儀

薦玉幣

祀日未明三刻諸祀官各服其服郊社令帥其屬以玉幣及玉冊置於山上圓臺壇上禮神之玉蒼璧幣以蒼配座之幣亦如又以玉匱金匱金繩金泥盛於篚置於石碱之側良醢合帥其屬各入寶樽罍玉幣凡六樽之次太樽爲上實以泚齊著樽次之實

以醴齊儀樽次之實以盎齊象樽次之實以醴齊象樽次之實以醍齊壺樽
 次之實以沈齊山壘為下實以三酒配帝著樽為上實
 以汎齊犧樽次之實以醴齊象樽次之實以盎齊山壘
 為下實以清酒其元酒各實於五齊之上樽禮神之玉
 昊天上帝以蒼璧昊天上帝及配帝之幣以蒼禪祭太
 日未門三刻以下實樽至饌幔內與夏至北郊同也太
 官令帥進饌者實諸籩豆簠簋各設於饌幔內未明二
 刻奉禮帥贊者先入就位贊引引御史以下入行掃除
 如常儀禪禮自未明二刻下至掃除訖就位與夏至方
 丘同駕將至謁者贊引各引祀官通事舍人分
 引從祀羣官諸方客使俱就門外位自
 鑾輿至大次以下至進熟與方丘同未明一刻謁者
 贊引各引文武五品以上從祀之官皆就圓臺南立謁
 者引司空入行持除訖出復位侍中版奏外辦皇帝服
 大裘而冕出次華蓋侍衛如常儀侍中負寶博士引太
 陪從如式

常卿太常卿引皇帝凡太常卿前導皆博士先引入自東門殿中監

進大珪尚衣奉御又以鎮珪授殿中監殿中監受進皇
 帝皇帝搢大珪執鎮珪纁籍華蓋仗衛停於門外近侍

者從入如常謁者引禮部尚書太常少卿陪從如常大
 如搢不便請先
 定近侍承奉之皇帝至版位北面立每立定太常卿與
 博士退立於左

謁者贊引各引祀官次入就位立定太常卿前奏請再
 拜退復位皇帝再拜奉禮曰眾官再拜在位者皆再拜

太常卿前奏有司謹具請行事退復位正座配座太祝
 取玉幣於篚各立於樽所太常卿引皇帝詣壇升自南

陛侍中中書令以下及左右侍衛量人從升以下皆
 如之皇

帝升壇北向立太祝加玉於幣以授侍中侍中奉玉幣
 東向進皇帝皇帝搢鎮珪受玉幣凡受物皆搢鎮珪奠
 登歌作肅和之樂以大呂之均太常卿引皇帝進北面
 跪奠於昊天上帝神座禪則皇地祇神座俛伏興太常卿引皇
 帝立於西方東向又太祝以幣授侍中侍中奉幣北向
 進皇帝受幣太常卿引皇帝進東面跪奠於高祖神堯
 皇帝神座俛伏興太常卿引皇帝少退東向再拜訖登
 歌止太常卿引皇帝樂作皇帝降自南陛還版位西向
 立樂止太祝還樽所

山下封祀壇

其日自山下五步立人直至下壇
 遞呼萬歲以為節

祀日未明三刻諸祀官各服其服郊社令帥其屬以五
 帝及日月中官外官以下之玉幣各置於坵所五帝之
 玉以四
 珪有邸日月以珪璧幣各依方色良醞令帥其屬各入實樽壘玉幣五
 帝
 俱以太樽皆實以汎齊日月之樽實以醴齊其內官之
 象樽實以醴齊中官之壺樽實以汎齊外官之概樽實
 以清酒衆星之散樽實以旨酒其元酒各實於五齊之
 上樽禮神之玉青帝以青珪赤帝以赤璋黃帝以黃琮
 白帝以白琥虞黑帝以元璜日月珪太官令帥進饌者實
 邸五帝日月以下幣皆從方色
 諸籩豆簠簋各設於饌幔內未明二刻奉禮帥贊者先
 入就位贊引引御史以下入行掃除如常儀未明一刻
 謁者贊引各引祀官皆就位太樂令帥工人二舞次入
 就位文舞入陳於懸內武舞立於懸南道西謁者引司

空入行掃除訖出復位於皇帝奠玉幣也封祀壇謁者贊引各引祀官入就位立定奉禮曰衆官再拜在位者皆再拜其先拜者不拜協律郎跪俛伏興舉麾鼓祝奏元和之樂乃以圓鍾之宮黃鍾爲角太蔟爲徵姑洗爲羽黃鍾太蔟姑洗各一奏之舞文舞之舞樂舞六成偃麾戛敵樂止奉禮曰衆官再拜在位者皆再拜謁者七人各引獻官及諸太祝奉玉幣各進奠於神座如常儀將進奠登歌作肅和之樂以大呂之均餘星座幣亦如之進奠訖各還本位初羣官拜訖夜明以上祝史各奉毛血之豆立於門外登歌止祝史奉毛血各由其陛升壇以毛血各致

其座諸太祝俱迎受各奠於神座前諸太祝與祝史退立於罇所

進熟

皇帝既升奠玉幣太官令出帥進饌者奉饌各陳於內壝門外謁者引司徒出詣饌所司徒奉昊天上帝之俎初皇帝既至位樂止太官令引饌入俎初入門雍和之樂作以黃鍾之均自後接神之樂皆用雍和饌至陛樂止祝史俱進跪徹毛血之豆降自東陛以出昊天上帝之饌升自午陛配帝之饌升自卯陛諸太祝迎引各設於神座前設訖謁者引司徒太官令帥進饌者降自東陛以出司徒復位諸太祝各還罇所

太常卿引皇帝詣罍洗盥手洗爵等並如圓丘儀太常
卿引皇帝樂作皇帝詣壇升自南陛訖樂止謁者引司
徒升自東陛立於罇所齋郎奉俎從升立於司徒之後
太常卿引皇帝詣昊天上帝酒罇所執罇者舉罍侍中
贊酌汎齊訖壽和之樂作皇帝每酌飲福皆作壽和之樂太常卿引皇
帝進昊天上帝神座前北向跪奠爵俛伏興太常卿引
皇帝少退北向立樂止太祝二人持玉冊進於神座之
右東面跪又太祝一人跪讀冊文訖俛伏興冊文並申書門下撰進少府皇帝再拜初讀冊文訖樂作太祝進奠冊於神
座還罇所皇帝再拜樂止太常卿引皇帝詣配座以下

至終獻光祿卿降復位並如圓丘儀皇帝將升獻太官
令引饌人其山下封祀壇五帝日月以下之饌亦相次
而入俎初入門雍和之樂作以黃鍾之均饌至陛樂止
祝史俱進跪徹毛血之豆降自東陛以出木帝之饌升自寅陛火帝
之饌升自巳陛土帝之饌升自未陛金帝之饌升自酉
陛水帝之饌升自子陛大明之饌升自辰陛夜明之饌
升自戌陛其內官中官衆星諸太祝迎引於壇上各設
於神座設訖謁者引司徒太官令帥進饌者俱降自東
陛以出司徒復位諸太祝各還罇所於山上太尉之亞
獻也封祀壇謁者七人分引五方帝及大明夜明等獻
官詣罍洗盥手洗匏爵訖各由其陛升俱酌汎齊訖各

引降還本位初第一等獻官將升謁者五人次引獻官各詣罍洗訖各由其陞升詣第二等內官酒樽所俱酌醴齊各進跪奠爵於內官首座與餘座皆祝史齋郎助奠相次而畢謁者四人次引獻官俱詣罍洗盥洗各由其陞升壇詣第三等中官酒樽所俱酌盞齊以獻贊引四人次引獻官詣罍洗盥洗訖詣外官酒樽所俱酌醴齊以獻贊引四人次引獻官詣罍洗盥洗詣衆星酒樽所俱酌沈齊以獻其祝史齋郎酌酒助奠皆如內官之儀訖謁者贊引各引獻官還本位武舞六成樂止舞獻俱畢上下諸祝各進跪徹豆興還樽所奉禮曰賜胙贊

者唱衆官再拜在位者皆再拜元和之樂作奉禮曰衆官再拜在位者俱再拜樂作一成止

燔燎

終獻將畢侍中前跪奏曰請就望燎位太常卿引皇帝就望燎位太祝奉玉幣等就柴壇置於柴上戶內訖奉禮曰可燎東西面各六人以炬燎火半柴侍中前跪奏禮畢太常卿引皇帝出贊引引祀官以下皆出其山下封祀壇獻官獻畢奉禮曰請就望燎位諸獻官俱就望燎位諸太祝各取玉幣等就柴壇自南陛下置於柴上戶內訖奉禮曰可燎東西面各六人以炬燎火半柴訖

奉禮曰禮畢獻官以下皆出

禪儀皇帝既升奠玉幣下至跪奠爵俛伏與方丘

同太常卿引皇帝少進北向立樂止太祝二人持玉冊進於神座之右東向跪又太祝一人跪讀冊文訖俛伏與皇帝再拜祝文並中書門下進少府監刻初讀祝文訖至配座讀冊亦皆加之其拜奠並同方丘配座初讀冊訖至真土半培太常卿引皇帝還版位與方丘同

封玉冊 封檢附

燔燎畢

禪儀皇帝既就望瘞位

侍中跪奏稱具官臣某言請封玉

冊太常卿引皇帝自南陛升壇北向立

近侍者從升如式少府監具金

繩金泥等並所用物立於御側符寶郎奉受命寶立於侍中之側

謁者引太尉進昊天

上帝神座前

禪儀進皇地祇神座前

跪取玉冊置於案進皇帝受

玉冊跪疊之內於玉匱中纏以金繩封以金泥侍中取

受命寶跪以進皇帝取寶以印玉匱訖興侍中受寶以

授符寶郎通事舍人引太尉進皇帝跪捧玉匱授太尉

太尉跪受皇帝興太尉退復位側身奉玉匱太常卿前

奏請再拜皇帝再拜訖入次如常儀太尉奉玉匱之案

於石礮南向立執事者發石蓋太尉奉玉匱跪藏於

石礮內執事者覆石蓋檢以石檢纏以金繩封以石泥

訖太尉以玉寶徧印訖引降復位將作帥執事者以石

距封固又以五色土圍封後續令畢其功

禪儀同

配座玉

牒

禪儀太尉又進睿宗大聖真皇帝座跪取玉冊內金匱

封於金匱皆如封玉匱

之儀訖太尉奉金匱從降俱復位

封禪還以金匱內太廟藏於高祖神堯皇

帝之右室
如別儀太常卿前奏禮畢
若有祥瑞則太史監跪奏

歲內外皆稱萬太常卿引皇帝還大次樂作皇帝出東

門禪禮皇帝殿中監前受鎮珪以授尚衣奉御殿中監

又前受大珪華蓋侍衛如常儀皇帝入次樂止謁者贊

引各引祀官通事舍人分引從祀羣官以次出復位立

定奉禮曰再拜衆官在位者皆再拜訖贊引引出工人

二舞以次出
禪禮祭訖以奇禽異獸合
瑞典者皆縱之神祀所

鑾駕還行宮
禪儀同

皇帝既還大次侍中版奏請解嚴
將士不得
輒離部伍轉仗衛於

還途如來儀二刻頃侍中版奏請中嚴皇帝服通天冠

絳紗袍諸祀官服朝服皇帝出次升輦降山下至圓壇

所權停乘黃令進玉輅太僕升執轡以下入宮並如圓

丘儀

朝覲羣臣
禪祭訖行此禮

封之明日朝覲羣官及岳牧以下於朝覲壇如巡狩儀

皇帝服袞冕乘輿以出曲直華蓋警蹕侍衛入自北壇

門由北陛升壇卽御座符寶郎奉寶置於座扇開樂止

通事舍人引三品以上及岳牧以下入就位如常儀通

事舍人引上公一人舒和之樂作公至西陛就解劍席

樂止脫舄跪解劍置於席與相禮者與通事舍人引進

乾隆十二年校刊

通典卷百九 禮七十九

七

當御座前北面跪稱具官臣某等言天封肇建景福惟
新伏惟開元神武皇帝陛下萬歲無疆俛伏興通事舍
人引上公降壇詣解劍席跪帶劍納舄樂作通事舍人
引復位立定樂止典儀曰再拜贊者承傳上公以下皆
再拜侍中前承制降詣上公之東北西向稱有制上公
及羣官皆再拜訖宣云封禪之慶與公等同之上公及
羣官又再拜舞蹈三稱萬歲訖又再拜引退

考制度

狩儀

通典卷第一百十九

通典卷第一百二十

唐 京兆 杜佑 君卿纂

禮八十 開元禮纂類十五 吉十二

時旱祈太廟

將祈有司卜日如別儀前二日守宮設祈官以下次各
於常所右校掃除內外又爲瘞硴於北門之內道西方
深取足容物前一曰諸祈官清齋於廟所諸衛令其屬
晡後一刻各以其方器服守衛廟門奉禮設版位於內
外並如常儀設望瘞位於堂之東北當瘞硴西南又設
奉禮位於瘞硴東北南向贊者二人在西少退太廟令

拂拭神幄又帥其屬以罇坩罍洗篚纂制幣篚入設皆
 如常儀執罇罍篚纂者各位於罇罍篚纂之後太官令
 先饌酒脯醢告日未明三刻諸祈官以下各服其服太
 廟令良醞令之屬入實罇罍及幣每室春夏用兩犧罇
 秋冬用兩著罇一實
明水為上一實醴齊次之山罍二一實元酒未明二刻
為上一實清酒次之幣以白各長一丈八尺奉禮帥贊者先入就位贊引引御史博士太廟令宮闈
 令太祝以下入當階間北面西上立定奉禮曰再拜贊
 者承傳凡奉禮有詞御史以下皆再拜訖升行掃除於
 上太廟令以下升自東階入開埽室奉出獻祖以下九
 室神主各置於座如常儀訖各引就位質明謁者引祈

官以下俱就門外位謁者引祈官贊引引執事者次入
 就位立定奉禮曰再拜祈官以下皆再拜謁者進祈官
 之左白有司謹具請行事退復位太官令出帥進饌陳
 於東門之外初太官令出諸太祝俱取幣於篚各立於
 罇所謁者引祈官升自東階詣獻祖廟室戶前北向太
 祝以幣東向授祈官受進幣北面跪奠於獻祖神座俛
 伏興出戶北向再拜訖謁者引祈官次進幣於懿祖以
 下諸室皆如上儀訖謁者引還本位諸太祝各還罇所
 太官令引饌入自正門升自太階諸太祝迎引於階上
 各設神座前訖太官令以下降復位諸太祝各還罇所

謁者引祈官詣壘洗盥手洗爵訖升自東階詣獻祖酒
樽所執樽者舉纂祈官酌醴齊訖謁者引祈官入詣

祖神座前北向跪奠爵俛伏興出戶北向立太祝持版

進於戶外之右東向跪讀祝文其文為水旱癘疾蝗蟲
及征伐四夷各臨時制

之訖興祈官再拜太祝進跪奠版於神座前俛伏興還

樽所謁者引祈官次詣懿祖以下諸室皆如獻祖之儀

惟不盥洗訖謁者引祈官詣東序西向立諸太祝各以爵酌

壘福酒合置一爵一太祝持爵進祈官之左北向立祈

官再拜受爵跪祭酒遂飲卒爵太祝進受爵復於坩祈

官俛伏興再拜訖謁者引祈官降復位諸太祝各入室

跪徹豆如式興還樽所奉禮曰再拜在位者皆再拜既飲

福者不拜奉禮曰再拜祈官以下皆再拜訖謁者進祈官之

左白請就望瘞位贊者轉就瘞埒東北位謁者引祈官

就望瘞位西向立於祈官將拜諸太祝各執篚進神座

前跪取幣興降自太階詣瘞埒以制幣置於埒訖奉禮

曰可瘞東西面各四人奠土半埒謁者進祈官之左白

禮畢奉禮贊者還本位御史太祝以下俱復執事位立

定奉禮曰再拜御史以下皆再拜贊引引出太廟令太

祝宮闈合納神主如常儀其祝版燔於齋坊若得所祈
報祠用太

牢受胙與時享同餘與
告禮同祭文臨時制撰

時旱祈於太社

將祈有司卜日如別儀行事薦獻與巡狩告社稷禮並同太社祝文曰維某年歲次月朔日子嗣天子某謹遣具位姓名敢昭告於太社爰以農功久闕時雨惟神哀此蒼生敷降靈液謹以清酌脯醢明薦於太社以后土勾龍氏配神作主尚饗太稷祝文同后土氏祝文曰嗣皇帝某謹遣具位姓名敢昭告於后土氏餘同社后稷文同得雨報用太牢瘞幣血飲福受胙與正祭同餘與告禮同太社祝文曰往以久闕時雨敢陳情誠惟神昭祐降茲嘉液率土霑洽蒼生咸賴謹以玉帛清酌醴齊粢盛庶品明薦於太社以后土勾龍氏配神作主尚饗太稷后土氏后稷祝文並同每配座無玉帛享

時旱祈嶽鎮以下於北郊

將祈有司筮日如別儀就祈及祭同前二日守宮設祈官以下次於東壝之外道北向以西為上設陳饌幔於內壝東門外道北南向校掃除壇之內外又為瘞培於壇之壬地方深取足石物前一日諸祈官清齋於祈所諸衛令其屬晡後一刻各以其方器服守衛壇門俱清齋一宿奉禮設祈官於內壝東門之內道北執事位於道南每等異位俱里行西面以北為上設御史位於壇下西南東向令中陪其後設奉禮位於祈官西南贊者二人次之少退但西向北上設望瘞位於壇之東北

西向又設祈官門外位於東壝之外道南每等異位重
行北向以西爲上郊社令以酒罇入設於位嶽鎮海瀆
各山罇二山川各屬罇二每方皆於神座之左俱右向
皆有坵以置爵設罇洗篚置各於其方皆道之左俱內向執罇
罇篚羃者位於罇篚之後其日未明二刻太史令郊社
令各服其服設嶽鎮海瀆及諸山川神座各於其方俱
內向席皆以莞設神位各於座首未明一刻諸祈官以
下各服其服郊社與良醞令之屬入實罇罇山罇實以醴齊巖罇
實以沈齊其明水各實於上罇太祝以幣置於篚設於饌所嶽鎮海瀆皆有幣各
依方色俱一丈八尺太官令帥進饌者實籩豆入設於內壝東門

之外饌幔內奉禮帥贊者先入就位贊引引御史太祝
以下與執罇罇羃者入詣南方山川之西南當門重
行北向以西爲上立定奉禮曰再拜贊者承傳御史以
下皆再拜執罇罇篚羃者各就位贊引引御史以下行
掃除如常儀出還齋所奉禮以下次還齋所質明謁者
引獻官以下俱就門外位奉禮帥贊者先入就位贊引
引御史以下入就位謁者引獻官贊引引執事者次入
就位立定奉禮曰再拜獻官以下皆再拜謁者進獻官
之左白有司謹具請行事退復位奉禮曰再拜在位者
皆再拜太祝各取幣於篚以授獻官獻官受幣詣東嶽

座諸太祝各奠幣於諸嶽鎮海濱之座謁者引獻官再拜訖降還本位於獻官初受幣太官令帥進饌者奉饌陳於東門之外獻官奠幣再拜訖太官令引饌入諸太祝迎引於座首各奠於神座前施設訖太官令以下還本位諸祝各還樽所謁者引獻官詣罍洗盥手洗爵詣東嶽酒樽所執樽者舉罍獻官酌酒謁者引獻官進東嶽神座前東向跪奠爵興少退東向立初獻官進奠祝史以爵酌酒助奠東鎮以下還樽所太祝持版進於神座之右南面跪讀祝文曰敢昭告於東方嶽鎮海濱久闕時雨黎元惟懼惟神哀救蒼生敷降嘉液謹以制幣

清酌脯醢明薦於東方嶽鎮海濱尚食太祝興獻官再拜太祝進跪奠版於神座興還樽所獻官再拜謁者引獻官以次獻諸方嶽鎮海濱如東方之儀諸方祝文並同訖謁者引獻官還本位初獻東嶽贊引次引獻官就罍洗盥手洗爵訖詣東方山川酒樽所執樽者舉罍獻官酌酒訖贊引引獻官進詣東方山川首座前跪奠爵興少退東向立初獻官奠酒齋郎酌酒助奠訖還樽所祝史持版進於神座之右西向跪讀祝文文同嶽祭興獻官再跪奠版於神座興還樽所獻官再拜訖贊引引獻官以次獻諸方山川如東方之儀諸方祝文皆同訖贊引引獻官還

本位諸祝各進跪徹豆如式興還樽所去禮曰再拜獻
官以下皆再拜謁者進獻官之左白請就望瘞位謁者
引獻官就望瘞位西向立於在位者將拜諸太祝各進
神座前跪取幣置於坫奉禮曰可瘞東西廂各二人賓
士半坫謁者進獻官之左白禮畢遂引獻官出贊引引
執事者以次出御史太祝以下俱復執事位立定奉禮
曰再拜御史以下皆再拜贊引引出祝版燭於齋所報
用牲幣飲福受昨於東方嶽鎮山川首座之前其山川
唯飲福即不受昨埋幣血與正祭同餘與祈禮同祝文
與報
祖同

時早就祈嶽鎮海瀆

前一日諸祈官皆於祈所清齋一宿所司清掃內外又
為瘞坫於壇南如常奉禮設祈官位於壇東南執事者
位於祈官東南奉禮位於執事西南贊者二人在南差
退俱西面北上又設太祝奉幣位於瘞坫之南北向海瀆
即設奉幣
位向沉所又設祈官以下門外位於南門之外道東重
行西面北上設罇坫壘篚各於常所執罇壘篚者各位
於罇壘之後其日未明祈官以下各服其服所司帥其
屬入設神座及實罇壘如常儀太祝以幣置於篚幣各
依方
色長丈
八尺掌饌者實籩豆籩一實脯
豆一實醢奉禮帥贊者先入就
位贊引引太祝及執罇壘篚者入當壇南重行北面以

西為上立定奉禮曰再拜贊者承傳太祝以下皆再拜
 執罇壘者各就位贊引引太祝升自東陛行掃除於上
 訖降行掃除於下皆就位贊明謁者引祈官贊引引執
 事者俱入就位立定奉禮曰再拜祈官以下皆再拜其
拜者謁者進祈官之左白有司謹具請行事退復位奉
 禮曰再拜在位者皆再拜初白請行事掌饌者帥進饌
 者奉饌陳於東門外祈官拜訖太祝跪取幣於篚以授
 祈官祈官奉幣置於神座祈官拜訖降復位掌饌者引
 饌入升自南陛太祝迎引於壇上進設於座前設訖掌
 饌者以下降復執事位謁者引祈官詣壘洗手洗爵

升自南陛詣酒罇所執罇者舉罇祈官酌酒謁者引祈

官進北面跪奠於神座前俛伏興少退北向立太祝持

版進於神座之右東面跪讀祝文曰文與祈社同嶽鎮

祝興祈官再拜祝進跪奠版於神座興還罇所祈官拜

訖謁者引祈官降復位太祝進跪俛豆如式還罇所奉

禮曰再拜在位者皆再拜謁者進初官之左白請就望

瘞位謁者引祈官就望瘞位西向立於在位者將拜太

祝進神座前跪取幣置於坫東西二面各二人寘土半坫

海瀆則以幣沉之奉禮曰再拜祈官以下皆再拜謁者進祈官

之左白禮畢遂引祈官出贊引引執事者以次出太祝

以下俱復執事位立定奉禮曰再拜太祝以下皆再拜
以出奉禮贊者以次出其祝版燔於齋所得雨報祠用
幣血及飲福受胙皆與正祭同餘
與祈禮同祝文與北郊報祠同

久雨祭國門

將祭有司筮日如別儀前一日諸祭官清齋於祭所右
校掃除祭所太官丞先饌酒脯醢樽以
瓢齋其日質明郊社
丞帥其屬設神座皆內向設酒鍾各於神座之左設罍
洗及篚於酒樽之左俱內向並實以
巾執罍洗篚者各
位於罍洗篚之後奉禮設獻宮位於罍洗之左而右
向執事者於其後皆以近神為上郊社丞與良醞之屬

實罍罍獻官以下俱就位立定謁者贊拜獻官以下皆
再拜祝與執罍罍篚者各就位太官丞出詣饌所謁者
進獻官之左白有司謹具請行事退復位太官丞引饌
入太祝迎引設於神座前訖太官丞以下還本位祝還
罍所謁者引獻官詣罍洗盥手洗爵詣酒樽所執罍者
舉罍獻官酌酒進神座前跪奠爵俛伏興少退向座立
太祝持版進於神座之右跪讀祝文曰維某年歲次月
朔日子嗣天子遣具官姓名昭告於國門霖雨淹久害
於百穀惟靈降福應時開霽謹以清酌嘉薦明告於神
尚饗祝興獻官再拜太祝跪奠版於神座俛伏興還罍

所獻官再拜訖謁者引還本位祝進跪徹豆俛伏興還
 樽所祝與執樽壘篚者俱復執事位謁者贊拜獻官以
 下皆再拜謁者進獻官之左白禮畢遂引獻官以下出
 每祭皆如之祝版皆燔於齋所若雨止報祠用少牢飲
 福與祈同祝文口前日
以霖雨式陳誠禱惟神降祉應時開霽謹
 以清酌少牢黍盛庶品明薦於神尚饗

諸州祈社稷 縣祈附

前二日本司掃除壇之內外又為瘞疇於壇北如常設
 上佐縣則縣丞
 以下倣此以下次於社壇西門之外道北隨地之
 宜前一日諸祈官皆於祭所清齋一日掌事者饌酒脯
 醢設上佐位於稷壇西北掌事以下位於西門之內道

北俱重行東向以南為上設贊唱者位於上佐東北東
 面南上設望瘞位於瘞疇北如常設上佐以下門外位
 於西門之外道南俱重行北面以東為上其日夙興本
 司帥其屬守社壇四門去壘九十步縣七
 十步禁斷行人
 掌事者入設神席樽坩壘洗篚篚實巾二爵二每
 座皆爵一置於坩如常祭之儀每座各
 一籩豆
 事者入實樽壘洗以祝版各置於坩又以幣各置於篚
 設於饌所其幣各長
 一丈八尺贊禮者引上佐以下俱就門外位
 贊唱者先入就位祝與執樽壘篚者入當社壇北重行
 南向以東為上立定贊唱者日再拜祝以下皆再拜執

乾隆十二年校刊

禮部志書卷三十一 禮八十

十

樽者各升自西階立於樽所執壘篚者各就位諸祝詣社壇升自西階行掃除訖降入詣稷壇升行掃除訖諸祝出奉幣篚入就瘞培北位贊禮者引上佐以下入就位立定贊唱者曰再拜上佐以下皆再拜贊禮者進上佐之左白請行事還本位贊唱者曰再拜上佐以下皆再拜初白請行事掌饌者帥執饌者奉饌陳於西門之外祝以幣授上佐贊者引上佐升壇北陞南向跪奠於社神座前訖興少退再拜訖復位又祝以幣授上佐上佐奉幣升稷壇跪奠如社壇之儀訖掌饌者引饌入社稷之饌升自北階配座之饌升自西階諸祝迎引於壇

上各設於神座前訖掌饌者降自西階復位諸祝各還樽所贊禮者引上佐詣壘洗盥手洗爵自社壇北階升詣社神酒樽所執樽者舉罍上佐酌酒進詣神座前南向跪奠爵興少退南向立祝持版進於神座之右西面跪讀祝文曰歲月日子如刺史姓名縣則縣令姓名下倣此謹遣具位姓名敢昭告於社神自社稷以下祝文並與國祈同尚饗訖興上佐再拜祝進跪奠版於神座興還樽所上佐再拜訖贊禮者引上佐詣配座酒樽所取爵於坫執樽者舉罍上佐酌酒進詣后土氏神座前西向跪奠爵興少退西向立祝持版進於神座之左南向跪讀祝文尚饗訖興上

乾隆十二年校刊

禮八十

十一

佐再拜祝進跪奠版於神座與還樽所上佐再拜訖贊禮者引上佐降自北階詣罍洗盥手洗爵詣稷壇之北階升獻如社壇之儀獻訖贊禮者引上佐降復位諸祝各進神座前跪徹豆與還樽所贊唱者曰再拜上佐以下皆再拜贊禮者進上佐之左白請就望瘞位贊者引上佐就望瘞位南向立祝以篚進於神前取幣及血黍稷飯皆寘於罔贊唱者曰可瘞罔東西各二人寘土牛罔贊者進上佐之左白禮畢遂引出諸執事者以次出者祝與執樽罍篚者降復執事位贊唱者曰再拜祝以下俱再拜以出其祝版燔於齋所得雨報祠以羊豕其祭器之數及飲福受

血
諸州祈諸神
前一日本司設上以下於祈所隨地之宜又為瘞罔於神座之南方深取足容物諸祈官皆於祈所清齋一日掌事饌酒脯醢每座籩豆各一祈日贊明去祭所七十步縣五禁止行人上佐以下各服其服祝帥掌事者奉席入設神座於北廂南向若更有諸座則以西為上贊禮者帥執樽者設樽於神座之左北向設洗於酒樽東北向罍水在洗東篚在洗西南肆篚實以中爵執樽罍篚者各位於罍罍等之設設上佐以下位於神座東南重行西面

乾隆二十一年

以北爲上設贊唱者位於上佐西南西向設望瘞位於瘞埒之南北向西上設門外位於東門之外道南北向西上掌事者入實罇盥洗以祝版置於埒又以幣置於篚設於饌所其幣各長一丈八尺贊禮者引上佐以下俱就門外位贊唱者先入就位祝與執罇壘者入當神座前重行北面西上立定贊唱者曰再拜祝以下皆再拜執罇壘篚者各就位祝進神座前行掃除訖贊唱者曰再拜上佐以下皆再拜贊禮者進上佐之左白請行事還本位贊唱者曰再拜上佐以下皆再拜初白請行事掌饌者帥執饌者奉饌陳於西門之外祝以幣授上佐上佐受

幣跪奠於神座前訖與少退再拜訖復位掌饌者引饌入祝迎引於座首各設於神座前訖執饌者退復位祝還罇所贊禮者引上佐詣壘洗手洗爵詣酒罇所執罇者舉罇上佐酌酒贊禮者引上佐詣神座前北向跪奠爵與少退北向立祝持版進於神座之右東面跪讀祝文文與祈社同訖興上佐再拜祝進跪奠版於神座興還罇所若更有諸座祈官酌獻皆如其儀唯不盥手奠祝文與同贊禮者引上佐還本位祝進神座前跪徹豆興還罇所贊唱者曰再拜上佐以下皆再拜贊禮者進上佐之左白請就望瘞位上佐就望瘞位北面立祝以幣實於埒埒東西各二人實土

半埒贊禮者進上佐之左白禮畢遂引上佐以下出訖
祝與執罇壘篚者俱復執事位贊唱者曰再拜祝以下
皆再拜其祝版燔於齋所若祈海瀆等其幣沉之設奉幣位各向所祈之水沉之時節一與瘞同若祈先代帝王其瘞幣如正祭之禮得雨報祠牢饌飲福受胙瘞幣血皆同祭社之禮若非嶽鎮海瀆先代帝王唯飲福海瀆沉幣又并沉血位及沉之時節准祈沉之禮若報祠先代帝王瘞幣與祈同餘皆與祈禮同祝文與祈社同

諸州崇城門縣崇附

若霖雨不止崇祭城門設神座皆內向設瓢齋之罇各於神座之左設罇洗及篚於酒罇之左俱內向設司功

縣則位於罇洗之左縣尉向右向執事者位於其後皆以近

神為上贊禮者贊拜無幣不為瘞埒餘與祈諸神同祝

文曰維某年歲次月朔日子刺史姓名縣則縣令姓名遣具位

姓名昭告於城門霖雨淹久害於百穀惟靈降福應時

開霽謹以清酌嘉薦明告於城門尚饗若雨止報祠用

特牲飲福餘與崇同祝曰前以霖雨式陳誠禱惟靈降

社應時開霽餘同上

通典卷第一百二十一

通典卷第一百二十一

唐京兆杜佑君卿纂

禮八十一 開元禮纂類十六 吉十三

諸州祭社稷 諸縣祭社稷附

前三日刺史 縣則縣令 散齋於別寢二日致齋於廳事

一日亞獻以下應祭之官散齋二日各於正寢致齋一

日皆於壇所 上佐為亞獻錄事參軍及判司為終獻若

亞獻主簿及尉通為終獻若縣令以下 諸從祭之官各

清齋於公館一日 從祭官刺史未出之前 前二日本司

先修除壇之內外 其壇方二丈五尺高三尺四寸出階三等 為瘞埴二於壇

乾隆十二年校刊

禮八十一

西門之外道北南向縣埒於壇北設刺史次於社壇西

門外道北南向縣令諸祭官以下次於刺史次西北俱

南向以東為上前一日晡後本司帥其屬守社稷壇四

門去壇九十步所縣七禁止行人本司設刺史位於北

門之內道西南向若刺史有故攝祭初獻位於亞獻之前東西縣令位同設亞獻

終獻位於社稷壇西北設掌事者位於西門之內道北

俱每等異位東向北上設贊唱者位於終獻東北東面

南上設州官位於祭官掌事者之北東面縣從祭府官

位於東方當州官西面俱重行南上縣無府官設望瘞

位於埒北南向東上設門外位祭官以下於西門之外

道南州官於祭官之南俱重行北面以東為上縣從祭

府官於東門之外道南重行北面以西為上祭器之數

籩八豆八簋一簋二俎三掌事者以罇每座罇二

設於壇上西北隅配座之罇在西俱南向東上皆加勺

幕社稷皆爵一配座皆爵四各置於坫設洗於社稷北

陛之西去壇三步所南向罇水在洗西加勺幕篚在洗

東北肆實爵六巾二加幕執罇罇洗篚者各位於罇罇

篚洗之後祭日未明烹牲於厨祝以豆二夙興掌饌者

實以祭器牲體羊豕皆載右胛前脚三節肩臂膈節一

肫膈二節又取正脊腿脊橫脊短脅正脅代脅各二骨

以並餘皆不設籩實黍稷簋實稻粱籩實石鹽乾魚棗

乾隆十二年校刊

禮八十一

禮八十一

二

栗菱芡鹿脯豆實菹菹醢醢菁菁菹菹鹿醢鹿醢韭菹韭菹本司帥掌

兔醢兔醢笋笋菹菹魚醢魚醢若若土土無者各以其類充之

事者以席入自西門請壇西階升設社稷神座各於壇

上近南北向又設后土氏神座於社神之左后稷氏神

座於稷神之左俱東向席皆以莞質明諸祭官及從祭

之官各服其服祭官服祭服從祭之官應公服者公服非公服者常服本司帥掌

事者入實罇罇每座罇二一實元酒祝版各置於坵祝

以幣各置於篚與豆俱設於饌所社稷之幣皆用黑各長丈八尺贊

唱者先入就位祝與執罇罇篚者入自西門當社壇北

重行南向以東為上立定贊唱者曰再拜祝以下皆再

拜執罇者升自西階立於罇所執罇篚者各就位諸祝

請社壇升自西階行掃除訖降詣稷壇升掃除如社壇

之儀降掃除於下訖皆就位刺史將至縣則縣令將至下倣此贊

禮者引祭官及從祭之官與掌事者俱就門外位刺史

至參軍事引之次贊唱者先入就位縣令贊禮者引下倣此刺史

停於次少頃服祭服出次參軍事引刺史入自西門就

位南向參軍事立於刺史之東少退南向贊禮者引祭

官以下及從祭之官以次入就位凡導引者每曲一逡巡立定贊

唱者曰再拜刺史以下皆再拜參軍事少進刺史之左

西面白請行事退復位本司帥執饌者奉饌陳於西門

之外祝以幣授刺史參軍事引刺史北階升社壇南向

乾隆十二年稜刊

禮八十一

跪奠幣於社神座前訖興少退再拜祝又以幣授刺史
參軍事引刺史升稷壇南向跪奠幣於稷神座如社壇
之儀訖參軍事引刺史降復位本司引饌入社稷之饌
升自北階配座之饌升自西階諸祝迎引於壇上設於
神座前籩豆蓋幕先徹乃升簠簋既奠却其蓋於下籩
居右豆居左簠簋居其間羊豕二俎橫而重於
右腊特於左本司與執饌者降自西階復位諸祝各還樽所
參軍事引刺史縣贊禮者引詣罍洗執罍者酌水執洗
者跪取盤興承水刺史盥手執篚者跪取巾於篚興進
刺史悅手訖執篚者受巾跪奠於篚遂取爵興以進刺
史受爵執罍者酌水刺史洗爵執篚者又取巾於篚興

進刺史拭爵訖受巾奠於篚奉盤者跪奠盤興參軍事
引刺史自社壇北階升詣社神酒樽所執樽者舉罍刺
史酌醴齊參軍事引刺史詣社神座前南向跪奠爵興
少退南向立祝持版進於神座之右西向跪讀祝文曰
維某年歲次月朔日子某官姓名敢昭告於社神惟神
德兼博厚道著方直載生品物含養庶類謹因仲春仲
秋
祗率常禮恭以制幣犧齊粢盛庶品備茲明薦用申報
本以后土勾龍氏配神作主尚饗縣祝文以
下並同訖祝興刺
史再拜祝進跪奠版於神座興還樽所刺史拜訖參軍
事引刺史詣配座酒樽所取爵於坫執樽者舉罍刺史

酌醴齊參軍事引詣后土氏神座前西向跪奠爵興少
退西向立祝持版進於后土氏前祝文曰爰茲仲春仲秋
厥日惟戊敬修常事薦於社神惟神功著水土平易九
州昭配之義實通祀典謹以犧齊粢盛庶品式陳明薦
作主侑神尚饗祝興刺史再拜祝進跪奠版於神座興
還爵所刺史拜訖參軍事引刺史進當社神座南向立
祝各以爵酌福酒合置一爵祝持爵進於刺史之右東
向立刺史再拜受爵跪祭酒啐酒奠爵興祝帥執饌者
以俎進減社神座前胙肉各取前脚共置一俎上興祝
持俎東向進刺史受以授左右刺史跪取爵飲卒爵祝

進受爵復於坵刺史興再拜參軍事引刺史降自北階
詣罍洗盥手洗爵自稷壇北階升詣稷神酒罍所執罍
者舉罍刺史酌醴齊參軍事引刺史詣稷神座前南向
跪奠爵興少退南向立祝持版進於神座之右曰敢昭
告於稷神惟神播生百穀首茲八政用而不匱功濟萌
黎恭以制幣犧齊粢盛庶品祇奉舊章備茲瘞禮以后
稷棄配神作主尚饗訖祝興刺史再拜祝進跪奠版於
神座興還爵所刺史拜訖參軍事引刺史詣配座酒罍
所刺史取爵於坵執罍者舉罍刺史酌醴齊參軍事引
刺史詣后稷氏座前西向跪奠爵興少退西向立祝持

版進於神座之右南面跪讀祝文曰敢昭告於后稷氏
 爰以仲春仲秋恭修常禮薦於稷神惟神功叶稼穡闡修
 農政允茲從祀用率舊章謹以犧齊粢盛庶品式陳明
 薦作主配神尚饗訖祝與刺史再拜祝進跪奠版於神
 座興還罇所刺史拜訖參軍事引刺史詣稷神座前南
 向立飲福受胙如社壇之儀訖參軍事引刺史降自本
 階還本位初刺史獻將畢贊者引亞獻詣罍洗盥手洗
 爵升獻如刺史之儀唯不讀祝文不受胙亞獻將畢贊禮者引終
 獻詣罍洗升酌終獻如亞獻之儀訖降復位諸祝各進
 神座前跪徹豆興還罇所贊唱曰賜胙再拜非飲福受

胙者皆再拜贊唱者又曰再拜刺史以下皆再拜參軍
 事少進刺史之左西面白請就望瘞位參軍事引刺史
 就望瘞位西向立祝於神前取幣及血奠於罇贊唱者
 曰可瘞埽東西面各二人奠土半埽參軍事進刺史左
 白禮畢遂引刺史出還次贊禮者引祭官以下次出諸
 祝及執罇罍者降復掌事位贊唱者曰再拜祝以下
 皆再拜以出其祝版燔於齋所
 諸州釋奠於孔宣父縣釋奠同
 前享三日刺史縣則縣令下倣此散齋於別寢二日致齋於廳
 事一日亞獻以下應享之官散齋二日各於正寢致齋

一日於享所上佐為亞獻博士為終獻若刺史上佐有故並以次差攝博士有故取參軍以上攝縣丞為亞獻及簿尉通為終獻縣令有故並以次差充當縣闕則差比縣及州官替充其日助教及諸學生皆清齋於學館一宿前享二日本司掃除內外又為瘞培於院內堂之壬地方深取足容物南出階本司設刺史以下次於門外隨地之宜前享一日晡後本司帥其屬守門本司設三獻位於東階東南每等異位俱西面設掌事位於三獻東南西面北上設望瘞位於堂上之東北當瘞培西向設助教位縣學官位下倣此於西階西南掌事學生位於助教之後俱東面北上設贊唱者位於三獻西南西面北上又設贊唱位於瘞培東北

南向東上設三獻門外位於道東每等異位俱西面掌事位於終獻之後北上祭器之數與祭社同掌事者以罇坫升設於堂上前楹間北向先聖之罇在西先師之罇在東俱西上皆加勺羃先聖爵一配座爵四名置於坫設幣篚於罇所設洗直東榮南北以堂深罇水在洗東加勺羃篚在洗西南肆實爵三巾二於篚加羃執罇罍洗篚者各位於罇罍洗之後享日未明烹牲於厨夙興掌饌者實祭器其實與祭社同本司帥掌事者設先聖神座於堂上西楹間東向設先師神席於先聖神座東北南向席皆以莞質明諸享官各服祭服助教儒服學生青

衿服本司帥掌事者入實罇罍及幣每座罇二一實元酒為上一實醴齊

次之禮神之幣用白各長丈八尺祝版各置於坵贊唱者先入就位祝

二人與執罇罍篚者入立於庭重行北面西上立定贊

唱者再拜祝以下皆再拜執罇罍篚者各就位祝升白

東階行掃除訖降自東階各還齋所刺史將至贊禮者

引享官以下俱就門外位助教學生並入就門內位刺

史至參軍事引之次縣令贊禮者引下倣此贊唱者先入就位祝

入升自東階各立於罇後刺史停於次少頃服祭服出

次參軍事引刺史入就位西向立參軍事退位立於左

贊禮者引享官以下次入就位凡導引者每曲一逸巡立定贊唱

者曰再拜刺史以下皆再拜參軍事少進刺史之左北

面白請行事退復位祝俱跪取幣於篚興各立於罇所

凡取物者皆跪伏取以興奠則奠訖俛伏而後興本司帥執饌者奉饌陳於門

外參軍事引刺史升自東階進先聖神座前西向立祝

以幣北向授刺史受幣參軍事引刺史進西向跪奠於

先聖神座前興少退西向再拜訖參軍事引刺史當先

師神座前北向立祝又以幣西向授刺史受幣參軍事

引刺史進北向跪奠於先師神座興少退北向再拜參

軍事引刺史降復位本司引饌入升自東階祝迎引於

階上各設於神座前籩豆蓋罍先徹乃升籩簋既奠却其蓋於下籩居右豆居左籩簋居

其間羊豕二組橫而設訖本司與執饌者降出祝還爵
重於右肅特陳於左所參軍事引刺史詣鬯洗執鬯者酌水執洗者跪取盤
興承水刺史盥手執篚者跪取巾於篚興進刺史悅手
訖執篚者受巾跪奠於篚遂取爵興以進刺史受爵執
鬯者酌水刺史洗爵執篚者又跪取巾於篚興進刺史
拭爵訖受巾跪奠於篚奉盤者跪奠盤興參軍事引刺
史升自東階詣先聖酒樽所執樽者舉鬯刺史酌醴齊
參軍事引刺史詣先聖神座前西向跪奠爵興少退西
向立祝持版進於神座之右北面跪讀祝文曰維某年
歲次月朔日子刺史縣今下具官姓名敢昭告於先聖
做此

孔子宣父惟夫子固天攸縱誕降生知經緯禮樂闡揚文
教餘烈遺風千載是仰俾茲末學依仁游藝謹以制幣
犧齊粢盛庶品祇奉舊章式陳明薦以先師顏子配尚
饗祝興刺史再拜祝進跪奠版於神座興還爵所刺史
拜訖參軍事引刺史詣先師酒樽所取爵於坫執樽者
舉鬯刺史酌醴齊參軍事引刺史詣先師神座前北向
跪奠爵興少退北向立祝持版進於神座之左西向跪
讀祝文曰敢昭告於先師顏子爰以仲春仲春率遵故實
敬修釋奠於先師顏子惟子庶幾具體德冠四科服道
聖門實臻壺奧謹以制幣犧齊粢盛庶品式陳明薦從

祀配神尚饗祝與刺史再拜訖祝進跪奠版於神座興
 還樽所刺史拜訖參軍事引刺史詣東序西向立祝各
 以爵酌福酒合置一爵一太祝持一爵進刺史之左北
 面立刺史再拜受爵跪祭酒啐酒奠爵俛伏興祝各帥
 執饌者進俎跪減先聖先師神座前胙肉各取前脚第二骨共
 置一俎上又以籩取黍稷飯共置一籩興祝先以飯進
 刺史受以授執饌者刺史跪取爵遂飲卒爵祝進受爵
 復於坵刺史興再拜參軍事引刺史降復位初刺史獻
 將畢贊禮者引亞獻詣罍洗盥手洗爵升獻飲福如刺
 史之儀唯不讀祝文亦不受胙訖降復位亞獻畢贊禮者引終獻

詣罍洗盥洗升獻如亞獻之儀訖復位自此下至燔祝

祝取幣降西階為異

州學生束脩縣禮同

束帛一筐正一 酒一壺二 脯一案五

其日平明學生青衿服至學門博士公服若儒服立於
 學堂東階上西面贊禮者引學生立於門東西面不自
賓陳束帛篚酒脯案於學生西南當門北向重行西上
客將命者出立於門西東面白敢請行事學生少進口某
 方受業於先生敢請見將命者入告博士曰某也不德
 請子無辱將命者出告學生曰某不敢為儀敢固以請

將命者人告博士曰請子就位某敢見將命者出告學生曰某不敢以視賓客請終賜見將命者入告博士曰某辭不得命敢不從將命者出告執篚者以篚東面授學生博士降俟於東階下西面贊禮者引學生執酒脯者從之學生入門而左立於西階之南東面執酒脯者立於學生西南東面北上學生跪奠篚再拜博士答拜學生還避遂進跪取篚贊禮者引學生進博士前東面授幣執酒脯者從奠於博士前博士受幣贊者取酒幣以東執酒脯者出贊禮者引學生立於階間近南北面再拜訖引出

諸里祭社稷

前一日社正及諸社人應祭者各清齋一日於家正寢正寢者謂人家應設饌之家先修治神樹之下又爲瘞瘞堂詩賓之所埒於神樹之北方深取足容物掌事者設社正位於稷座西北十步東面諸社人位於其後東面南上設祝奉血豆位於瘞埒之北南向祭器之數每座樽酒二并勺一以巾覆之俎一籩二豆二爵二簋二簋二無禮器者量以餘器充之祭日未明烹牲於厨唯以特豕祝以豆取牲血置於饌所夙興掌饌者實元酒爲上一實清酒次之籩實棗栗豆實菹膏祭器牲體載右胖折節如州縣制分載二俎其樽一醢籩實稻粱掌事者以席入社神之席設於神樹下稷

神之席設於神樹西俱北向質明社正以下各服其服
 掌事者以盥水器入設於神樹北十步所加勺中二爵
 一於其下盛以箱又以酒樽入設於神北近西社神之
 樽置爵二及祝在東稷神之樽版於樽下在西俱東上南向
 者立於樽後掌事者入實樽酒訖祝及執樽者其祝以社人有
學識者入當社神北南向以東為上皆再拜執酒樽者
 就樽後立其執盥者就盥器後立贊禮者引社正以下
 俱就位立定贊禮者贊再拜社正以下皆再拜祝詣樽
 所贊禮者再拜社正以下皆再拜掌事者以饌入各設
 於神座前菹醢居前左右箱黍稷在其間俎在其外訖掌事者出贊禮者引

社正詣盥器所執盥者酌水社正洗手取巾拭手訖洗
 爵拭爵訖贊禮者引社正詣社神酒樽所酌酒訖贊禮
 者引社正詣社神座前跪奠爵於饌右與少退南向立
 祝持版進社神座東西面跪讀祝文曰維某年歲次月
 朔日子某坊村則云某村以下准此社正姓名合社若干人等今
 昭告於社神惟神載青黎元長茲庶物時屬仲春仲秋日
 惟吉戊謹率常禮恭用犧牲清酌粢盛庶品祇薦社神
 尚饗祝興社正以下及社人等俱再拜贊禮者引社正
 詣稷神酒樽所取爵酌酒訖贊禮者引社正詣稷神座
 前南向跪奠酒於饌右與少退南向立祝持版進於稷

神座西東向跪讀祝文曰若干人等敢昭告於稷神惟
神主茲百穀粒此羣黎今仲春吉戊秋云仲秋謹率常禮恭
以特牲清酌粢盛庶品祇薦於稷神尚饗祝興社正以
下及社人俱再拜贊禮者引社正立於社神座前南向
立祝以爵酌社稷神福酒合置一爵進社正之右社正
再拜受酒訖跪祭酒遂飲卒爵祝受爵還罇所社正興
再拜贊禮者引社正還本位立定贊禮者再拜社正及
社人俱再拜訖祝以血置於埕埕東西各一人寘土半
埕贊禮者少前白禮畢遂引社正等出祝與執罇者復
位再拜訖出其餘饌社人等俱於此飲如常會之儀其

祝版燔於祭所

諸太子廟時享

齋戒

將享有社卜日如別儀凡應享之官散齋二日致齋一
日太樂工人等清齋並如別儀

陳設

前享三日右校清掃內外守宮設享官以下次於齋坊
之內前享二日太樂令設軒懸之樂於廟庭如式前享
一日奉禮設享官以下位於東門之內道北執事位於
道南每等異位重行西向以北爲上設奉禮位於樂懸

東北贊者一人在南差退俱西面設協律郎位於廟堂之上前楹間近西東向設太樂令位於樂懸之間北向設門外位享官以下皆於東門外道南每等異位北向西上前享一日晡前三刻廟令帥府史齋郎以罇坩疊洗篚纂入設於位其籩豆鉶陳於廟座之東加以巾蓋籩豆各十瓚四俎二瓚一簋簋各二蕭蒿坩盤各一罇洗各一設器物者濯而陳之晡後三刻贊引引博士詣厨省視濯漑還齋所享日未明十五刻太官令帥宰人以鸞刀割牲胾膾共實一豆置於饌所

晨裸

享日未明四刻諸享官各服朝服廟令良醞令各率其

屬入實罇罍犧罇實以醴齊象罇實以盎齊罍罇實以清酒其三罇之上罇實以元酒罇七勺二

籩一併設先於堂下其器並以烏漆太官令帥進饌者實諸籩豆簋簋未

明三刻奉禮帥贊者先入就位贊引引博士宮闈令及

執罇罍篚纂者入自東門常階間重行北面西上立定

奉禮曰再拜贊引引博士升堂上各就位宮闈令開墀

室出神主置於座訖還執事位未明二刻謁者引享官

俱就東門外位太樂令引工人入訖贊引亞獻先入就

位再拜訖行掃除復位謁者引享官入就位立定奉禮

曰再拜享官等再拜訖謁者進初獻之左白有司謹具

請行事退復位協律郎俛伏舉麾工鼓祝奏肅和之樂

乾隆十二年校刊

通鑑卷百五

禮八十一

六

三成偃麾憂敵樂止奉禮曰衆官再拜在位者皆再拜
謁者引初獻詣盥洗盥手洗瓚訖謁者引初獻升自東
階詣取爵飲以授齋郎虛爵俛伏興再拜訖贊引引復
位贊引引亞獻詣盥洗盥手洗爵升堂詣罇酌酒入
奠於神座前興退戶外再拜訖少退立齋郎酌酒兩爵
合置一爵亞獻再拜跪受爵啐酒遂飲卒爵以爵授齋
郎俛伏興再拜訖引復位次引終獻如亞獻之儀引復
位訖奉禮曰賜酢贊者曰再拜飲福酒者不拜奏肅和之樂一
成止贊者曰再拜在位者皆再拜訖贊引引進初獻之左
口禮畢贊引各引享官以次出贊引引博士以下俱就

執事位奉禮曰再拜博士以下皆再拜引出宮闈令納
神主如常儀其祝版燔於齋坊

三品以上時享其廟 四品五品六品以下附

前享五日筮於廟門之外主人公服立於門東西面掌
事者各服其服立門西東面北上設筮席於闈西闕外
西面筮者開贖出册兼執之東面受命於主人主人曰
孝曾孫某來日丁亥祇享於廟尚饗非必丁亥也直舉
亥辛亥苟筮者曰諾進就筮席西面以贖擊册遂述曰
有言焉可假爾太筮有常孝曾孫其來日丁亥祇享於廟尚饗乃
釋贖坐筮訖興降席東面旅占曰從筮吉退若不吉卽

筮遠日還如初儀贊禮者進主人之左告禮畢掌事者
 徹筮席先享三日主人及亞獻終獻并執事者各散齋
 二日於正寢致齋一日於廟所國官僚佐之長為亞獻
其次為終獻無則親賓
 為子孫及凡入廟者各於其家清齋皆一宿四品五品
以上同六
 品以下若有廟者如五品以上之儀無廟者筮於正寢
 之堂主人公服立於堂上楹間近東西面掌事者近西
 東面北上設筮席於主人之西筮者開贖出册兼執之
 東面受命於主人主人曰孝孫某來日丁亥春祠其餘
 並同五品以上儀亞
 獻終獻親賓為之
 拂神幄六品以下無廟
者但請掃內外贊禮者設主人之位於東階西
 面亞獻終獻位於主人東南掌事者位於終獻東南俱
 重行西向北上設子孫之位於庭重行北面西上設贊

唱者位於終獻西南西面又設亞獻以下位於門外之
 東執事者在南差退俱西向設牲於南門之外當門北
 面以西為上掌牲者位於牲西北東面諸祝位於牲後
 俱北向設亞獻省牲位於牲前近東西向設祭器之數
 每室罇二簋二簠二匏二鉶二俎二籩豆一品二品各
 十二品八四品五品各六六品以下簋
簠鉶俎各一籩豆各二掌事者以罇入
 設前楹下各於室戶六品以下無廟
者不言室戶之東北面兩土皆
 加勺首座爵一餘座皆爵四置於楹四品
五品六品以下皆置於罇下加勺設祭器於
 序東西向每座簋在前籩次之匏次之鉶次之俎次之
 豆次之俎在後每座異之皆以南為上屈陳而下設洗

於東階東南東西當東霽

九品以上同六品南北以堂

深罍水在洗東加勺罍篚在洗西南肆實爵三巾二於

篚加罍凡器物皆執罇罍洗篚者各於罇罍洗篚之後

掌牲者以牲就榜位贊禮者引亞獻入詣東階升堂徧

視滌濯於視濯執罇者訖引降就省牲位亞獻省牲掌

牲者前東面舉手曰膋還本位諸祝各循牲一布北面

舉手曰充俱還本位祝與掌牲者以次牽牲付厨贊禮

者引終獻詣厨省鼎鑊視濯亞獻以下每事執饌者

入徹簋簋籩豆俎鉶以出享日未明烹牲於厨夙興掌

饌者實祭器牲體皆載右胖前脚三節節一段肩臂臑

皆載之後脚三節節一段去下一節載上

肫脰二節又取正脊脰脊橫脊短脇正脇代脇各三骨

以並餘皆不設簋實稷黍簋實稻粱籩實石鹽乾脯棗

栗之屬豆實醢醬醢菹之類六品以下簋實稷

籩實黍籩實脯棗豆實蒲醢餘同五品以上主人以

下各服其服掌事者入實罇罍每室二罇一實元酒祝

版各置於玷四品五品六諸祝與奄人四品五品無奄

正寢入立於庭北面西上立定皆再拜訖升自東階以

次出神主各置於座夫人之主奄人奉出俱並席處右

品以下祝設神座於正寢室內祖質明贊禮者引亞獻

在西東面禰在祖東北皆有几筵

以下及子孫俱就門外位贊唱者先入就位諸祝與執

罇罍者入立於庭北面西上立定贊唱者曰再拜祝以

下俱再拜各就位掌饌者奉饌陳於門外贊禮者引主

乾隆十二年校刊

禮八十一

人入就位又贊禮者引亞獻以下及子孫以次入就位
立定贊唱者曰再拜主人以下皆再拜贊禮者進主人
之左白請行事退復位掌饌者引饌入升自東階諸祝
迎引於階上各設於神座前籩居右豆居左簋籩甗鉶
於右腊俎特於左四品五執爐炭蕭稷膾者各從其
品同六品特牲俎橫於前俎升置於室戶外之左六品無廟則設於
堂戶外之左餘同其蕭稷各置
於爐炭下施設訖掌饌以下降出諸祝各取蕭稷擣而
反於脂燔於爐炭還罇所贊禮者引主人詣罇洗執罇
者酌水執洗者跪取盤興承水主人盥手執篚者跪取
巾於篚興進主人拭手執篚者受巾跪奠於篚遂取爵

興以進主人受爵執罇者酌水主人洗爵執爵者又跪

取巾於篚興進主人拭爵訖受巾跪奠於篚奉盤者跪

奠盤興凡取物者跪俛伏而取以興贊禮者引主人自

東階升堂詣某祖酒罇所六品以下詣執罇者舉罇主

人酌酒贊禮者引主人進詣某祖座前北面跪奠爵興

出戶外北面立四品五品同六品以下西祝持版進於室

戶外之右東面四品五品同六品以下祝跪讀祝文曰

維某年歲次月朔日子孝曾孫某官封某無封者單稱

稱孝孫餘同敢昭告於某祖考某謚封祖妣某邑夫人

某氏時惟仲春夏云仲夏秋云伏增遠感謹以柔毛剛

乾隆十二年校刊 禮八十一

鬣明粢鄉合薌其嘉蔬嘉薦

四品五品六品柔毛剛鬣嘉薦普淖六品以下無柔毛

餘同醴齊恭薦祠享

春云祠夏云酌秋云嘗冬云絜

於某祖考某謚封

某祖妣夫人某氏配尚饗

祖考及孫各依尊卑稱號其祝文四品以下同

訖興

主人再拜祝進跪奠版於神座興還罇所贊禮者引主

人以次酌獻如上儀

唯不盥洗

訖贊禮者引主人請東序西

向立

四品五品同六品以下請先

諸祝各以爵酌福酒

合置一爵一祝持爵進主人之左跪祭酒啐酒奠爵興

諸祝各帥執饌者以俎入減神前胙肉共置一俎上又

以籩徧取黍稷飯共置一籩祝先以飯籩進主人受以

授左右祝又以俎次授主人每受以授左右訖主人跪

取爵遂飲卒爵祝進受爵復於坫

四品五品六品復於坫所下倣此

主

人興再拜贊禮者引主人降自東階還本位西向立主

人獻將畢贊禮者引亞獻詣盥洗盥手洗爵升自東階

詣某祖酒罇所執罇者舉羃亞獻酌清酒贊禮者引亞

獻進詣某祖神座前北向跪

五品以上同六品以下請先祖前西向跪奠爵興少

退再

拜奠爵興出戶北向再拜贊禮者引亞獻如上儀訖

贊禮者引亞獻詣東序西向立

五品以下同六品詣諸

祝各以爵酌福酒如初獻儀

唯不

又贊禮者引終獻亦

如初獻儀訖降復位諸祝皆進神座前跪徹豆興還罇

所徹者籩豆各一

贊唱者曰再拜非飲福受胙者皆再

拜贊唱者又曰再拜主人以下皆再拜贊禮者進主人
之左白禮畢遂引主人出贊禮者引亞獻以下出子孫
以次出諸祝及執罇壘篚者俱復執事位立定贊唱者
曰再拜諸祝以下皆再拜執罇壘篚者出諸祝與奄人
賈神主納於坫室如常儀訖祝版焚於齋所四品五品以下無賈
神主○褒聖侯祀孔宣父廟及王公以下皆用此禮唯祝
文別

三品以上祫享其廟禘享附

前享五日筮於廟門之外齋及設位牲榜祭器省牲皆
如時享之儀掌事者以罇坫入設於廟堂上皆於神座

左昭座之罇在前楹間北向始祖及穆座之罇在戶外

南向俱以近神為上皆加勺罇若始祖在曾祖以下則設罇依親廟之式其首

座罇一餘座罇四各置於坫罇坫於前楹下各於室戶之東皆北向西上設祭器

於序東西向每座簋在前簠次之甗次之鉶次之鬯次

之豆次之俎在後每座異之皆以南為上屈陳而下設

洗於東階東南東西當東雷南北以堂深壘水在洗東

加勺罇篚在洗西南肆實爵三巾二於篚加罇此器皆濯而陳

之執罇壘篚罇者各位於罇壘篚罇之後享日未明牽

牲於厨夙興掌饌者實祭器牲體折節所載及諸祭器所實如時享掌廟

者設神座於廟堂之上自西序以東始祖座於西序東

向昭座於始祖座東北南向穆座於東南北向俱西上
若始封者仍在曾祖以下則空東面之座依昭穆南北設之每座皆有屏風几席設跌匱如式禘又設未毀廟主各於其主人以下各服其服掌事者入實罇壘
一實體齊為上一實益齊次之元酒各實於上罇設元酒者重古陳而不酌
 諸祝與奄者入立於庭北面西上掌事者持腰輿從入
 立於東階下西面立定祝與奄者皆再拜訖帥腰輿升
 自東階詣始祖廟入開墁室出神主置於輿出詣座前
 以主置於座以次出神主如上儀訖還齋所夫人之主
俱並而出處右禘又以次出毀廟主如質明贊者引亞
上未毀廟主出置於室內之座如時享獻以下及子孫俱就門外位贊唱者先入就位諸祝與

執罇壘者入立於庭北面西上立定贊唱者曰再拜祝
 以下皆再拜各就位掌饌者帥執饌者奉饌陳於門外
 贊禮者引主人入就位又贊者引亞獻以下及子孫以
 次入就位立定贊唱者曰再拜主人以下皆再拜贊禮
 者進主人之左白請行事退復位掌饌者引饌入升自
 東階諸祝迎引於階上各設於神座前籩居右豆居左
間羊豕二俎橫陳重執爐炭蕭稷臍管者從其俎升設
於右腊俎特於左於神座之左少後其蕭稷各置於爐炭下施設訖掌饌
 者以下降出諸祝各取蕭稷搗於脂燔於爐炭還罇所
 贊禮者引主人詣壘洗執壘者酌水執洗者跪取盤與

承水主人盥手執篚者跪取巾於篚興進主人拭手執
篚者受巾跪奠於篚遂取爵興以進主人受爵執罍者
酌水主人洗爵執篚者又跪取巾於篚興進主人拭爵
訖受巾跪奠於篚奉盤者跪奠盤興贊禮者引主人自
東階升堂詣始祖酒樽所執樽者舉罍主人酌醴齊贊
禮者引主人進詣始祖神座前西向跪奠爵興少退西
向立祝持版進神座之右北面跪讀祝文曰維某年歲
次月朔日子孝曾孫某官封某敢昭告於始祖考某謚
封祖妣夫人某氏歲序推遷伏增遠感謹以柔毛剛鬣
明粢薌苾嘉齊恭薦禋事禘云於始祖考某謚封始祖
禘事

妣夫人某氏配尚饗

祖考及子孫各以尊
卑稱號其祝文同

訖興主人再

拜祝跪奠版於神座興還樽所贊禮者引主人依昭穆

酌獻如上儀

唯不
盥洗

訖贊禮者引主人詣東序西向立諸

祝各以爵酌福酒合置一爵祝持爵進主人之左北向

主人再拜受爵跪祭酒啐酒奠爵興諸祝各帥執饌者

以俎進減神座前胙肉共置一俎上又以籩徧取稷黍

飯共置一籩祝先以飯籩進主人受以授左右祝又以

俎以次進主人每受以授左右訖主人跪取爵遂飲卒

爵祝進受爵復於坫主人降自東階還本位西向立主

人獻將畢贊禮者引亞獻詣罍洗盥手洗爵升自東階

詣始祖酒樽所執爵者舉罍亞獻酌盞齊贊禮者引亞
獻進詣始祖神座前西向跪奠爵與少退西向再拜贊
禮者引亞獻以次酌獻如上儀贊禮者引亞獻詣東序
西向立諸祝各以爵酌福酒如初獻之儀唯不又贊禮
者引終獻升獻飲福如亞獻之儀訖降復位諸祝皆進
神座前跪徹豆與還爵所贊禮者曰再拜非飲福受胙
者皆再拜贊唱者又曰再拜贊禮者進主人之左白禮
畢遂引主人出贊者引亞獻以下及子孫以次出諸祝
與執爵罍篚者俱復執事位立定贊唱者曰再拜諸祝
以下皆再拜執爵罍篚者出諸祝與奄者匱神主置於

與納於墻室如常儀

王公以下拜掃 寒食附

先期卜日如常前一日掌事者設次於塋南百步道東
西向北上備芟剪草木之器贊禮者設主人以下位塋
門外之東西面以北爲上其日主人到次改服公服無
者常服贊禮者曰再拜主人以下俱再拜贊禮者引主
人以下入奉行墳塋精靈感慕有泣無哭至於封樹內外環繞哀
省三周其荆棘慮與荒草連接者皆隨卽芟剪不令火
田得及掃除訖贊禮者引主人以下復門外位贊禮者
再拜主人以下皆再拜贊禮者引之次遂還第若解滿

或遠行辭墓若外官解滿或京官辭墓哭而後行其寒

食上墓如前拜掃儀唯不占日

古者宗子去他國庶子無廟孔子曰許望墓而

為壇以時祭即今之上墓義或有憑然神道尚幽不可

遍贖瑩域宜設於瑩南門山門之外設淨席為位遙祭

以時饌如平生所嗜若一瑩數墓每墓各設位席昭穆

異列以西為上主人盥手奠爵三獻而止徹饌訖主人

以下泣辭瑩食餘饌者可於

他處避不見墳此孝子之情

通典卷第一百二十一

通典卷第一百二十一

唐 京兆 杜佑 君卿 纂

禮八十二 開元禮纂類十七 嘉一

皇帝加元服

卜日

皇帝將加元服卜日如別儀

告圓丘 方丘附

前一日諸告官清齋於告所其守衛及設罇坩等並前

一日陳設如巡狩圓丘攝事儀 告方丘自前一日陳設

為埋瑱於瑨南外 未明二刻諸告官各服其服郊社令

乾隆十二年校刊

禮八十二

良醞令入實罇壘及玉帛

太罇二一實明水為上一實
汎齊次之山壘二一實元酒

為上一實清酒次之玉以四珪有邸幣以蒼告方丘
太罇二一實明水 實醴齊玉兩珪有邸幣以黃 未

明一刻奉禮帥贊者先入就位贊引引御史太祝以下

入行掃除如常儀質明謁者引告官以下俱就門外位

奉禮帥贊者先入就位贊引引御史以下入就位謁者

引告官贊引引執事者次入就位定奉禮曰再拜謁贊

者承傳凡奉禮者謁
贊者皆承傳告官以下皆再拜謁者進告官之

左白有司謹具請行事儀至禮畢燔祝版於齋所並同

巡狩告圓丘攝事儀告方丘其儀同但改昊天
為皇地祇其玉帛埋之

告宗廟

其禮與巡狩告宗廟儀有司攝事同唯祝文臨時撰

臨軒行事

先一日尚舍奉御設御冠席於太極殿中楹間南向莞

筵紛純加藻席纒純加次席黼純守宮設羣官次於朝

堂太樂令展宮懸於殿庭並如常儀設協律郎舉摩位

於殿上西階之西東向一位於樂懸東南西向鼓吹令

分置十二案於建鼓之外乘黃令陳車輅尚輦奉御陳

輿輦並如常儀典儀設文官一品以下五品以上位於

懸東六品以下於橫街南皆重行西面北上設武官一

品以下五品以上位於懸西六品以下於橫街南當文

官皆重行東面北上設朝集使位分方於文武官當品
 之下設諸親位於四品五品之中皇宗親在東設蕃客
 異姓親在西位各分方於朝集使六品之南諸州使人分方位於朝
 集使九品之後又設太師太尉位於橫街之南迤東北
 向西上又設典儀位於懸之東北贊者二人在南少退
 俱西向奉禮設門外位於東西朝堂皆如元日之儀其
 日諸衛勒所部屯門列黃麾仗如常羣官依時刻集朝
 堂俱就次各服其服通事舍人引就朝堂前位侍中版
 奏請中嚴太樂令鼓吹令帥工人入就位奉禮郎設壘
 洗於階東南壘在洗東加勺壘在洗西南肆實巾

加幕尚舍奉御設席於東房內近西又張帷於東序外

殿中監陳袞服於東房內席上東領元衣纁裳十二章

八章在衣日月星辰山龍華蟲
 火宗彝四章在裳藻粉米黼黻白紗中單黼領青標襪

裾革帶玉鈎璪大帶青帶朱裏紕其外上以
 朱下以絲鈎用組之朱黼三章

龍山鹿盧玉具劔火珠鏢首白玉雙珮元組大雙綬六

綵元黃赤白縹綠純元質長二丈四尺五百首廣一尺

小雙綬長二尺六寸色同大
 綬而首半之間施二玉環朱鞞赤舄金飾纁纒玉簪

及櫛三物同箱在服北向尚舍奉御設莞筵一紛純加

藻席纁純加次席黼純又在南尚舍奉御實醴罇於東

序外帷內玷在罇北實角觶柶各一加羃饌陳於罇西

籩豆各十二俎三在籩豆北設罍洗於罇東罍在洗西
加勺罍篚在洗東北肆實巾加幕執罍罇籩豆及在廷
罍篚者並絳公服立於其所袞冕垂白珠十二旒以組
爲纓色同其綬黼纁充耳玉導於箱太常博士一人立
於西階下近西東面諸侍衛之官各服其器服俱詣閣
奉迎典儀帥贊者先入就位通事舍人各引羣官入就
位太常博士引太常卿升西階立於西房外當戶北向
侍中版奏外辨皇帝著空頂黑介幘雙童髻雙玉導絳
紵袍以出侍衛警蹕如常儀皇帝將出太樂令令撞黃
鍾之鐘右五鐘皆應協律郎舉麾鼓吹奏太和之樂皇

帝出自西房太常博士引太常卿太常卿引皇帝即御

座南向立樂止

太常卿與博士退立於皇帝之左

通事舍人引太師太

尉就位

凡太師太尉進皆舍人導引

太師初入門舒和之樂作至位

樂止典儀曰再拜贊者承傳羣臣在位者皆再拜太師
升自西階太師初行樂作至階樂止太師升立於西階
上東面太尉詣阼階下盥洗盥手升東階詣東房內取
纒節箱進跪奠於御座西端太師詣御座前跪奏稱請
坐退復位皇帝坐太尉進當御座前少左跪脫空頂幘
置於櫛箱櫛畢設纒興少西東面立太師降盥初降樂
作盥訖詣西階下樂止太常受冕左執頂右執前升西

階進當皇帝前左樂作太師祝曰令月吉日始加元服
壽考惟祺以介景福乃跪冠興復西階上位太尉進皇
帝前少左跪設簪纓興復位皇帝興太常卿引適東房
殿中監進徹櫛纒箱以退皇帝著袞服太常卿引卽席
南向坐樂止太尉詣序外帷內盥手洗觶酌醴加柶覆
之面葉立於序內南向太師進受醴面柄進御前北面
祝曰甘醴唯厚嘉薦令芳承天之休壽考不忘訖跪進
觶興退降立於西階下東面將祝殿中監帥進饌者奉
饌設於御座前皇帝左執觶右取脯擣於醯祭於籩豆
間太師取肺一以進皇帝皇帝奠觶於薦西受肺却左

手執本右手絕末以祭上右手齎之授太尉太尉加於
俎降立於太師之南皇帝悅手侍中一人取觶以柶祭
醴啐醴建柶奠觶於薦東皇帝初受觶休和之樂作奠
觶訖樂止太師太尉俱復橫街南位太師初行樂作至
位樂止典儀唱再拜贊者承傳在位者皆再拜太師太
尉出初行樂作出門樂止侍中前跪奏禮畢皇帝興太
樂令令撞蕤賓之鐘左五鐘皆應太和之樂作太常卿
引入東房侍衛警蹕如來儀入訖樂止通事舍人引東
西面位者以次出

見太后

其日冠訖著通天冠服詣太后所御殿如常朝見之式
尚宮引就殿前北向再拜訖尚宮引出還宮如常

謁太廟

將謁有司卜日如別儀前一日皇帝清齋於太極殿太
尉以下清齋於廟所近侍之官應從入廟者各於本司
清齋一宿諸衛令其屬晡後一刻各以其方器服守衛
廟門與太樂工人俱清齋一宿前三日尚舍直長施大
次於太廟南門之外道西東向尚舍奉御鋪御座守宮
設文武侍臣次於大次之後文左武右俱東向設太尉
以下次於齋坊內設三師次於侍臣次之西東向前二

日太樂令設宮懸之樂於廟庭如常儀右校清掃內外
前一日奉禮設御位於樂懸之南道西北向設太尉以
下及御史等位於內外如常儀設酒樽之位於廟堂上
前楹間各於室戶之左北向每室鷄彝一鳥彝一犧樽
二山罍二皆加勺冪皆西上各有玷以罍設罍洗篚如
常篚實珪其執罍篚冪及烹牲竝如巡狩告謁儀日
未明三刻太尉以下各服其服太廟令良醢令各帥其
屬入實罍鷄彝上罍皆實以明水山罍之上罍
山罍實實以元酒鳥彝實以鬱鬯犧樽實以醴齊
以清酒太官令帥進饌者實籩豆行掃除及奏出獻祖
以下神主各置於座如常儀訖各就位如巡狩告儀質

明謁者引太尉以下俱就門外位太樂令帥工人次入

就位其升堂坐者皆脫履於階下降納如常謁者引太尉贊引引執事者

次入就位立定奉禮曰再拜太尉以下皆再拜其先拜者不拜

謁者進太尉之左白有司請行事其行事儀至讀祝文

如時享攝事儀唯無燔臠骨及奠毛血讀祝文曰維某年歲次月

朔日孝曾孫皇帝某太祖以下稱臣某謹遣太尉臣名敢昭告

於獻祖宣帝祖妣某氏敬遵常典禮加元服以今吉辰

祇見謹以一元大武明粢薌合薌其嘉蔬嘉薦醴齊尚

饗訖與太尉再拜初讀祝文訖樂作太祝進跪奠版於

神座俛伏與還罇所太尉拜訖樂止謁者引太尉以次

獻皆如獻祖之儀唯不盥洗徧獻訖其飲福受胙如常儀訖

謁者引太尉降復位贊引引御史太祝及執罇篚者

俱就執事位重行西面立以俟皇帝既謁廟出門太祝

等并復位訖登歌作雍和之樂諸祝各進入室徹豆出

還罇所登歌止奉禮曰賜胙其贊拜及納神主燔祝版

竝如時享攝事儀

親謁

前出三日本司宣攝內外各供其職前一日守宮設羣

官五品以上次東西朝堂如常謁晝漏上水三刻鑾駕

出宮發引前七刻搥一鼓為一嚴三嚴時節發引前

乾隆十二年校刊

通鑑卷之三十三

禮八十二

七

五刻搃二鼓爲再嚴其鑾駕發引之儀與時享出宮儀同唯陳小駕鹵簿乘金輅爲異駕迴通事舍人引文武羣官不從者退就次以俟駕至大次迴輅東向將軍降立於路侍中進當鑾駕前跪奏稱侍中臣某言請降輅俛伏興還侍位皇帝降輅乘輿之大次繖扇華蓋侍衛如常儀通事舍人引三師各就便座各服其服出立於大次門外太常博士引太常卿立於大次門外當門西向侍中版奏外辦皇帝出次華蓋侍衛如常侍中負寶陪從如式博士引太常卿太常卿引皇帝凡太常卿前導皆博士先引至廟門外殿中監進鎮珪皇帝執鎮珪華蓋仗衛停於門外三

師近侍者從入如常皇帝初入門太和之樂作至厥位北向立樂止太常卿與博士退立於左太常卿前奏稱請再拜皇帝再拜少頃太常卿又奏稱請再拜皇帝又再拜訖太常博士引太常卿太常卿引皇帝出還大次初行樂作出門樂止殿中監受鎮珪華蓋侍衛如常儀皇帝既還大次請解嚴轉仗衛至既入閣侍中版奏請解嚴叩鉦將士各還本所如時享還宮儀

會羣臣

皇帝見廟之明日會羣臣如元會之儀其上壽詞云具官臣某言伏惟皇帝陛下吉辰元服禮備樂和臣等不

勝大慶謹上千萬歲壽

羣臣上禮

前一日守宮量設次於東朝堂如常儀其日應上禮之官依時刻各集於次皆服朝服奉禮先設上禮之官位於東朝堂之前近南文東武西重行北面相對爲首又設中書舍人位於吏部爲首者之北南向設奉禮位於文官東北贊者二人在南差退俱西向通事舍人各引應上禮之官就位定令史二人對舉表案禮部郎中引就中書舍人前取表授舍人訖引案退奉禮唱再拜贊者承傳在位者皆再拜中書舍人奉表入進通事舍人

引在位者退

皇帝納后

卜日告圓丘方澤竝如加元服儀其祝文臨時撰

臨軒命使

將行納采制命太尉爲使者宗正卿爲副使吏部承以

戒之

問名納徵納吉吉告期并奉迎竝同使

前一日尚書奉御設幄座於太

極殿如常守宮設羣官客使等諸應陪位者次於東西朝堂太樂令展宮懸於殿庭設舉麾位於殿上一位於懸下鼓吹令設十二案乘黃令陳車輅尚輦奉御陳輦輦皆如元日之儀典儀設文官一品以下五品以上位

於懸東六品以下於橫街南皆重行西面北上設武官
一品以下五品以上位於懸西六品以下於橫街南當
文官皆重行東面北上設朝集使位各分方於文武官
當品之下設諸親位於匹品五品之下皇宗親在東設
異姓親在西設
蕃客位各分方於朝集使六品之南諸州使人分方位
於朝集使九品之後設典儀位於懸東北贊者二人在
南少退俱西向設使者受命位於大橫街南道東副使
又於其東少退俱北面奉禮設門外位於東西朝堂如
元日儀其日諸衛勒所部列黃麾仗如常儀羣官依時
刻集朝堂俱就位各服其服通事舍人引就朝堂前位

侍中量時刻版請中嚴敔戟近仗入陳於殿庭太樂令
帥丁人就舞位協律郎入就舉麾位諸待衛之官各服
其器服符寶郎就閣奉迎典儀帥贊者先入就位通事
舍人引羣官入就位又引使主副人立於大極門外道
東西面黃門侍郎引主節執幟節中書侍郎引制書案
立於左延明門內道北西面北上侍中版奏外辦皇帝
服袞冕御輦以出曲直華蓋警蹕侍衛如常儀皇帝將
出仗動出自西房卽御座坐南向符寶郎奉寶置於御
座如常通事舍人引使主副入就位定典儀曰再拜贊
者承傳羣官在位者皆再拜侍中前承制降詣使者東

北西面稱有制使主副俱再拜侍中宣制曰納某官女
為皇后命公等持節行納采等禮宜訖使主副又再拜
侍中還侍位黃門侍郎引主節於使者東北西面授使
者使者受付主節主節立於使後黃門侍郎退中書侍
郎引制書案立於使者東北西面中書侍郎取制書案持
退自使後立於使者之左西面授使者使者受制書置於案持案者
退立於使後中書侍郎退典儀曰再拜贊者承傳羣官
在位者皆再拜舍人引使者主副出持節者前導持案
者次之侍中前跪奏稱侍中某臣言禮畢俛伏興還侍
位皇帝降座升輿入自東房侍衛警蹕如來儀舍人引

羣官在位者以次出初使主副乘輅備儀仗而行鼓吹
備而不作從者乘車以從其制書油絡網攬車載而行
自後皆如之

納采

前一日守宮設使者次於后氏大門外道右南向其日
大昕使主副至於后氏大門外掌次者迎入次凡賓主及行事
者皆主人受於廟無廟者受於正寢掌事者布神席於室戶外
之西莞筵紛純加藻席畫純南向右雕几使主副出次
謁者引立於大門外之西東門北上持幡節者立於使
者之北少退東面令史二人對舉制案立於使者之南

執鴈者又在其南俱東面主人立於大門內西面儼者
立於主人之左北面受命出立門東西面曰敢請事使
者曰某奉制納采儼者入告主人曰臣某之女若如人
既蒙制訪臣某不敢辭儼者出告入引主人出迎使者
於大門外之南北面主人再拜使者不答拜主人揖使
者先入於階使者及宗正卿入幡節先導其持節案及
執鴈者從入幡節立西階之西東面自後幡節皆如之使者由
西階升於兩楹間南面使副在使者西南持案及執鴈
者在使副西南俱東面主人升阼階詣使者前北面持
案者以案進使副前使副取制書持案者退復位使副

奉制書進授使者退復位持節者脫節衣使者曰有制
主人再拜宣制主人降詣階間北面再拜稽首訖升進
北面受制書退以授左右仍北面立使副取鴈以授使
者退復位使者受鴈主人再拜進受鴈退以授左右仍
北面立儼者引二人對舉笱表案進於主人後少西儼
者取表以授主人主人受進授使者訖復位再拜持節
者加節表謁者引使者及使副等降自西階以出

制文

凡六禮皆以版長一尺二寸博四寸厚
分后家答版亦如之

皇帝曰咨具官封姓渾元資始肇經人倫爰及夫婦以
奉天地宗廟社稷謀於公卿咸以爲宜率由舊典今使

持節太尉封某宗正卿封某以禮納采

答文

皇帝嘉命訪婚陋族備數采擇臣之女

姑姊妹則云先臣某官之遺女

未閑教訓衣履若而人欽承舊章肅奉典制某官封臣姓名稽首頓首再拜承制詔

問名

使者既出遂立於內門外之西東向並如納采位初使者降主人降立於內門內東廂西面僮者進受命出請事使者曰將加卜筮奉制問名僮者入告主人曰臣某之子若而人既蒙制訪臣某不敢辭僮者出告入引主

人出迎使者至主人受鴈訖出如納采儀使者出立於門內之西使副在南少退俱東面初使者降主人延使立於東階下西面僮者進受命出請事使者曰禮畢僮者入告主人曰某公奉制至於某之室某有先人之禮請禮從之僮者出告使者曰某既得將事敢辭僮者入告主人曰先人之禮敢固以請僮者出告使者曰某辭不得命敢不從僮者入告遂引主人升立於序端掌事者徹几改設二筵東上各用莞筵紛純加藻席纁純設甌醴於東房西牖下加勺羃玷在罇北實觶二角柶二一籩一豆實以脯醢在玷北又設泚於東階東南如常訖僮者引主

人降迎使者於內門外之東西面揖使者先入使者入門而左副從之主人入門而右至階主人曰請某位升使者曰某敢辭主人曰固請某位升使者曰某敢固辭主人曰終請某位升使者曰某敢終辭主人升阼階使者升西階副從升俱北面主人阼階上北面再拜使者及副西階上北面荅再拜主人受几於序端掌事者內拂几三奉兩端西北向以進主人東南向外拂几三振袂內執之掌事者一人又執几以從主人進西北向使者序進迎受於筵前東南向以俟主人還東階上北向再拜送使者以几筵進北面跪各設於座差退於西階

上北面東上俱荅再拜立於階西東面南上贊者二人俱升取觶降盥手洗觶升實醴加柶於觶覆之而葉出房南面主人受醴面柶進使者筵前西北面立又贊者執觶以從使者西階上北面各一拜序進筵前東南面主人又以次授醴使者受俱復西階上位主人退復東階上北面一拜送掌事者以次薦脯醢於筵前使者各進升筵皆坐左執觶右取脯濡於醢祭於籩豆間各以柶祭醴三始扱一祭又扱再祭興各以柶兼諸觶上躡降筵於西階上俱北面坐俱啐醴建柶各奠觶遂拜執觶主人荅拜使者進升筵坐各奠觶於薦東降筵序立

於西階上東面南上掌事者牽馬入陳於門內三分庭一在南北首西上又掌事者奉幣篚升東階以授主人主人受於序端進西面掌事者一人又奉幣篚立於主人之後使者西階上俱北面再拜主人進詣楹間南面立使者序進立於主人之西俱南面主人以幣篚授使者使者受退立於西階上東面掌事者又以幣篚授主人主人受以授使副使副受退立於使者北俱東面主人還東階上北面拜送使者降西階從者迓受幣使者當廷實揖馬以出牽馬者從出使者出大門之外西東面立從者迓受馬主人出門東西面再拜送使者退主


人入立於東階下西面僮者告主人曰賓不顧矣主人反於寢使者奉答表詣闕進

制文

皇帝口咨某官封姓兩儀配合承天統物正位於內必俟令族重章舊典令使者持節太尉封某宗正卿封某以禮問名

答文

皇帝嘉命使者某重宣中制問臣名族臣女夫婦所生先臣故某官之遺元孫先臣故某官之遺曾孫先臣故某官之遺孫先臣故某官之孫女年若干欽承舊章謹



奉典制某官臣姓某稽首頓首再拜承制詔若女祖以上在則直

云某官臣之孫女等語

納吉

前一日守宮設使者次以下至主人立於大門內西面如納采儀儻者進受命出請事使者曰加諸卜筮占曰從制某也納吉儻者入告主人曰臣某之女若而人龜筮云吉臣占在焉臣某謹奉典制儻者出告入引主人出迎使者於大門外以下至使者降自西階以出如納采儀使者出立於內門外之西使副在南少退俱東面初使者降主人立於東階下西面儻者進受命出請事

使者曰禮畢其儻使者如問名之儀

制文

皇帝曰咨某官姓人謀龜筮僉曰貞吉敬順典禮今使使持節太尉封某宗正卿封某以禮納吉

答文

皇帝嘉命使者某重宣中制太卜元吉臣陋族卑鄙憂懼不堪欽承舊章肅奉典制某官臣姓某稽首頓首再拜承制詔

納徵

前一日守宮設使者次如初其日大昕使主副至后氏

大門外掌次者延入次執事者入布幕於內門之外元
纁束帛陳於幕上六馬陳於幕南北首西上執事者奉
穀珪以匱俟於幕東西面掌事者設几筵如初使主副
出次謁者引立於大門外之西東面北上持幡節者立
於使者之北少退東面令史二人對舉制案立於使副
南東面主人立於大門內西面僮者進受命出請事使
者曰某奉制納徵僮者入告主人曰奉制賜臣以重禮
某祇奉典制僮者出告主人出迎使者於大門外
之南北面主人再拜使者不答拜謁者引使者及使副
入幡節前導持案者從入使者入門而左主人入門而

右至於內門使主副立於門西東面北上主人立於門
東西面僮者引主人揖使者先入門至階使副從入由
西階升立於楹閣南面使副在使者西南持案者在使
副西南俱東面主人由阼階詣使者前北面立執事者
坐啓匱取珪加於元纁上及牽馬者從入三分庭一在
南北首西上執珪者在馬西俱北面持案者以案進使
副前使副取制書持案退復位使副奉制書進授使者
退復位持節者脫節衣使者曰有制主人再拜使者宣
制畢主人降詣階間北面再拜稽首訖升進北面受制
書退以授左右仍北面立僮者引二人對舉答表案進

主人後少西僮者取表以授主人主人受以授使者訖退復位再拜謁者引使者及使副等降自西階以出立於內門外之西使副在南少退俱東面初主人受制書訖左右受玉帛於庭受馬者自左受之以東牽馬者既授馬自前面而出主人降立於東階下西面僮者進受命出請事使者曰禮畢其僮使者如納吉之儀

制文

皇帝曰咨某官姓之女有母儀之德窈窕之姿如山如河宜奉宗廟永承天祚元纁珪馬以章典禮今使使持節太尉封某宗正卿封某以禮納徵

答文

皇帝嘉命使者某重宣中制降婚卑陋崇以上公寵以豐禮備物典冊欽承舊章肅奉典制某官臣姓名稽首頓首再拜承制詔

告期

前一日守宮設使者次以下至出請事如納采儀使者曰制使某告期僮者入告主人曰臣某謹奉制僮者出告入引主人出迎使者以下至禮畢如納采儀

制文

皇帝曰咨某官姓謀於公卿大筮元龜罔有不臧率遵

典禮今使使持節太尉封某宗正卿封某以禮告期

答文

皇帝嘉命使者某重宣中制告曰惟某月某日可迎
欽承舊章肅奉典制某官臣姓某稽首頓首再拜承

詔

告期

有司以特牲告如常告禮祝文臨時撰

冊后

前一日守宮設使者次於后氏第大門外之西如常尚
舍設尚宮以下次於后氏閣外道西東向障以行帷其

日臨軒命使如納采命使之儀

太尉為正使司徒為副使

奉禮設使

者位於大門外之西東向使副及內侍位於使者之南
舉冊案及寶綬者在南差退持節者在使者之北少退
俱東向設主人位於大門外之南北面設使者以下及
主人位於內門外亦如之設內謁者監位於內門外主
人之南西面謁者監設司贊位於東階東南掌贊二人
在南差退俱西向內謁者監又先置一案於閣外近限
使主副乘輅持節備儀仗鼓吹備而不作至后氏大門
外使者降輅掌次者延入次尚宮以下至客之次內僕
進重翟以下大門外道西東向北上諸衛令其屬布后

儀仗如常使者出次謁者引使者以下就門外位主人朝服出立於東階下西面賓者進受命出門東西面曰敢請事使者曰某奉制授皇后備物典冊賓者入告遂引主人出迎於大門外北面再拜使者不答拜謁者引使者入門而左持節者前導持案者次之主人入門而右至內門外各就位立定奉冊寶案者進當使副前使副受冊寶持案者退復位使副以冊寶進授使者退復位內侍進使者前西面受冊寶東面授內謁者監復位內謁者監持冊寶人立於閣外之西東面跪置冊寶於案俛伏興尚宮以下入閣奉后首飾禕衣其衣服所傳司先進

姆贊出尚宮引降立於庭中北面尚宮跪取冊尚服跪取寶綬興立於后之右少前西向司言司寶各一人進於后左少前東向尚宮稱有制尚儀贊皇后再拜皇后再拜宣冊訖尚儀又贊皇后再拜皇后再拜尚宮奉冊進授皇后皇后受以授司言尚服又奉寶綬進授皇后皇后受以授司寶訖尚儀贊皇后升座尚宮引皇后升座南向坐內宮以下俱降立於庭重行北向西上立定司贊曰再拜掌事承傳內宮以下皆再拜訖諸應侍衛者各升立於侍位尚儀前跪奏稱禮畢皇后降座尚宮引皇后入於宮主人僮使者如告期之儀前使者乘輅

而還詣闕復命

冊文

維某年月日皇帝使使持節太尉封某司徒封某冊命某官女某氏爲皇后咨爾易階乾坤詩首關雎王化之本實由內輔是故皇英嬪虞帝道以光太任妣姬周允克昌皇后其祇勗厥德以肅承宗廟虔恭中饋敬盡婦道帥導於六宮作範儀於四海皇天無親惟德是依可不慎歟

命使奉迎

其日晡後侍中量其時刻版奏請中嚴晡後三刻皇帝服袞冕出升所御殿宮人侍衛如常文武之官五品以上立於東西朝堂如常儀奉迎前一日守宮設使者次於大門外道右設使副及內侍次於使者次西俱南向尚舍設宮人次於閣外道西奉禮設使者位於太門外之西東向使副位於使者之南持案及執鴈者又在南差退持節者在使者北少退俱東向奉禮位於使副西南贊者二人在南差退俱東面設內侍位於大門外道左西面其日司贊設宮人以下位於堂前使主副朝服發朝堂乘輅持節備儀仗至大門外使者降輅掌次者延入位宮人等各之次奉迎文武官至宿衛及列鹵簿

如常儀帝儀奏請皇后中嚴量時刻姆傳導皇后尚宮
前引出升堂宮人等侍衛如常儀皇后將出主婦出於
房外之西南向文武奉迎者皆陪立於大門外文東武
西北上位定謁者引使者詣大門外位使副內侍等各
就位主人立於內門外堂前東階下西面儂者受命出
請事使者曰某奉制以今吉辰率職奉迎儂者入告主
人曰臣謹奉典制儂者出告入引主人出門南北面再
拜使者不答拜謁者引使者入門而左持節者前導使
副及持案執鴈者次之主人入門而右至內門外堂西
階使者先升立於兩楹間南面使副在使者西南持案

及執鴈者在使副西南俱東面主人升東階詣使者前
北面立持案者以案進使副前使副取制書持案者退
復位使副奉制書授使者退復位使者曰有制主人再
拜使者宣制畢主人降詣階間北面再拜稽首訖升進
北面受制書退授左右訖主人再拜進受鴈授左右仍
北面立儂者引二人對舉答表案進立於主人後少西
儂者取表以授主人主人受以授使者訖退復位再拜
謁者引使者及使副降自西階以出復闕外位立定奉
禮曰再拜贊者承傳使主副俱再拜使者曰令月吉日
某等承制率職奉迎內侍受以入傳於司言司言受以

奏聞尚儀奏請皇后再拜皇后再拜訖主人升自東階進西面誠之曰戒之敬之夙夜無違命主人退立於東階上西面毋誠於西階上施衿結帨曰勉之敬之夙夜無違命訖腰輿進皇后升輿以降尚宮前導六尚以下侍衛如常皇后升重翟以几姆加憬內宮侍從及內侍導引應乘車從者如鹵簿常儀迎使及百官當引從者皆退隨便立皇后車出大門外以次乘車馬引從如常

制文

皇帝曰咨某官姓歲吉月令吉日惟某率由典禮今遣使持節太尉封某宗正卿封某以禮迎

答文

皇帝嘉命使者某重宣中詔令月吉辰備禮以迎螻蟻之族猥承大禮憂懼戰悸欽承舊章肅奉典制某官臣姓某稽首頓首再拜承制詔

同牢

其日內侍之屬設皇后大次於皇帝所御殿門外之東南向鋪座如常將夕尚寢設皇帝御幄於所御之殿室內之奧東向鋪地席重茵施屏幃初昏尚食設洗於東階東南東西當東霽南北以堂深罍水在洗東篚在洗西南肆篚實以巾設后洗於東房近北罍水在洗西篚

乾隆十二年校刊

通鑑卷一百三十三 禮八十二

在洗東北肆皆加勺冪饌於東房西牖下籩豆各二十四簋各二甄各三皆加巾蓋俎三罇於室內北牖下元酒在西加冪勺南柄冪夏用絺冬用組又罇於房戶外之東無元酒拈在南加四爵合卺其器皆烏漆惟卺以陶卺以匏皇后重翟入大門鳴鐘鼓其鐘鼓所司先陳設鳴鐘鼓者所以聲告內外鹵簿止於外近侍應從者如常皇后從永巷至大次前廻車南向施步障畢尚儀進當車前跪奏請降車與退復位皇后降車御輿司輿率繖扇等司燈率執燭者布列前後皇后入就大次嚴整訖尚宮引皇后詣所御殿門外之東西向立尚儀跪奏外辦請降座禮迎皇帝降座尚宮前引詣

門內之西東面揖后以入尚食徹罇冪酌元酒三注於罇尚寢設席於室內之西東向莞筵紛純加藻席纁純次席黼純對席亦准此皇帝導后升西階入室即席東向立皇后入立於罇西南向皇帝盥於南洗皇后盥於北洗尚食率其屬以饌入設醬於席前俎醢在其北俎三入設於豆東豕俎特於俎北豆東俎醢之東尚食設黍於醬東稷稻粱又在東設滫於醬南饌要方也設對醬於東對醬后醬也設之當特俎俎醢在其南北上設黍於豕俎北其西稷稻粱設滫於醬北尚食啓會郊於簋簋之南對簋簋於北啓發也豆蓋徹於房各加匕箸尚寢設對席於饌東尚食西面跪奏饌具與皇帝揖皇后對

乾隆十二年校刊

通鑑卷百五十一 禮八十二

席西面皆坐尚食跪取韭菹搗醢授皇帝又尚食跪取
韭菹搗醢授皇后皇帝及皇后俱受祭於豆間尚食又
取黍實於左手遍取稷稻粱反於右手授皇帝又尚食
取黍實於左手遍取稷稻粱反於右手授皇后皇帝及
皇后俱受祭於豆間尚食各以肺加於俎司飾三人以
巾授皇帝及皇后俱悅手訖尚食各跪品嘗饌訖各移
黍置於席上以次授肺脊皇帝及皇后皆食之飯卒食
尚食二人俱盥手洗爵於房入室詣酒樽所酌酒進授
皇帝及皇后俱受爵祭酒尚食各以肝從皆奠爵振祭
膾之尚食皆受實於俎豆各取爵皆飲訖尚儀俱進受

虛爵奠於坫再酌如初三酌用盞如再酌尚食俱降東
階洗爵升酌於戶外樽進北面俱奠爵興再拜跪取爵
祭酒遂飲卒爵奠拜執爵奠興降奠於篚還侍位尚儀
北面跪奏稱禮畢興皇帝皇后俱興尚宮引皇帝入東
房釋冕服御常服又尚宮引皇后入幄脫服尚宮引皇
帝入尚食率其屬徹饌於東房如初皇后從者餞皇帝
之饌皇帝侍者餞皇后之饌

皇后表謝

皇后至宮之日服展衣出司言引尚宮尚宮前導及左
右侍從如常升正殿兩楹間北面立又尚儀以謝表授

皇后又尚儀以案俟於前皇后置表案上尚宮贊拜皇
后再拜訖尚儀以表降殿授內侍內侍因中書以聞初
內侍出門皇后降殿還寢如常

朝皇太后

其日大昕所司設皇太后御座地席於所御之殿南尚
食帥司膳設側樽甒醴於東房內東壁下加勺鬯籩一
豆一實以脯醢設於樽北又設洗於樽西近北鬯水在
洗西篚在洗東北肆篚實以巾鬯角
解一角糶一其日皇后夙興沐
浴尚儀版奏請皇后中嚴質明六尚及諸侍衛宮人俱
詣寢殿奉迎尚儀版奏外辦皇后服褙衣加首飾御輿

尚宮前導降自西階以出侍衛如常至皇太后閣外皇
后降輿障扇侍從如常立於西廂東面皇后將至尚儀
奏請皇太后中嚴皇后既至閣外尚儀奏皇太后外辦
皇太后服褙衣首飾司言引尚宮尚宮引皇太后出卽
御座前南向坐侍從如常皇后執笄棗栗服修司言引
尚宮尚宮引皇后入升西階北面再拜跪進奠於皇太
后座前皇太后撫之尚食進徹以東司言引尚儀尚儀
引皇后入升西階北面再拜進跪奠笄於皇太后座前
皇太后撫之尚食進徹以東司言引尚宮尚宮引皇后
退北面又再拜司設設皇后席於戶牖之間近北南向

司言引尚宮尚宮引皇后立於席西南向尚食入東房
盥手洗觶酌醴加柶面柶出進詣皇后席前北向立皇
后進北面再拜受醴尚食薦脯醢於席前皇后升席坐
左執觶右取脯搗於醢祭於籩豆間以柶祭醴三始一
扱祭又扱再祭加柶於觶面葉與降席北面跪啐醴建
柶與北面再拜進升席跪奠觶於薦東與降席司言引
尚宮尚宮引皇后降自西階以出御輿而還侍從如常
儀初皇后出閣尚儀跪奏稱禮畢俛伏興還侍位皇太
后降座入室如常

皇后受羣臣賀

右如正冬賀儀唯辭云具官臣某等言伏惟殿下徽猷
昭備至德應期凡厥黔黎不勝慶躍

皇帝會羣臣

右如正冬會儀唯樂備而不作上壽辭云具官臣某等
言皇后坤儀配天德昭厚載克崇萬葉明嗣徽音凡厥
兆庶載懷鳧藻臣等不勝慶忭謹上千萬歲壽

外命婦朝會

右如正冬朝會儀唯賀辭云某位妾姓等言伏惟殿下
坤象配天德昭厚載率土含識不勝抃舞會辭惟加謹
上千萬歲壽

羣臣上禮

右如加元服上禮之儀

皇后廟見

前一日皇后清齋於別殿內官應從入廟者俱清齋一日於廟所諸衛令其屬晡後一刻各以其方器服守衛廟門與太樂工人俱清齋一宿前二日尚舍直長施皇后大次於大廟北門內之西東向周以行帷尚舍奉御鋪御座尚舍直長又量設內官以下次於大次之後守宮設外命婦妃主以下次於廟北門外之西道北南向東上周以行帷設行事太尉以下次於齋坊之內太樂

令設宮懸之樂於廟庭如式前一日右校清掃內外內

謁者監設皇后版位於樂懸之北道西北向設外命婦

位於其次前北面東上奉禮設太尉以下及御史等位

於內外並如常儀設酒罇於廟堂之上前楹間各於室

戶之左北向每室彝二罇二春夏用雞彝罇秋山壘

二皆加勺鬯皆西上各有坫以置設洗於東階東南北

向以下至太祝持版如加元服謁廟儀太祝持版進於

室戶外之右東向跪讀祝文曰維某年歲次月朔日子

孝曾孫開元神武皇帝某太祖以下謹遣太尉封臣名

敢昭告於皇祖某謚皇后某氏太祖以下廟則稱妾某氏將伸祇見

謹以一元大武明柔薌合薌其嘉蔬嘉薦醴齊敬薦尚
饗訖興太尉再拜初讀祝文樂作太祝進跪奠版於神
座前俛伏興還樽所太尉拜訖樂止謁者引太尉以次
獻皆如獻祖之儀惟不盥洗徧獻訖以下如加元服謁廟儀
唯執事則每事訖還齋所

車駕出宮

前出宮三日本司宣攝內外各供其職其日晝漏上水
四刻車駕出宮發引前七刻槌一鼓爲一嚴三嚴時刻前一日内
侍中奏裁發引前五刻槌二鼓爲再嚴尚儀版奏請中嚴司
贊設內命婦版位於皇后所御殿閣外道東重行西向

北上內命婦各服其服所司陳小駕鹵簿發引前二刻
槌三鼓爲三嚴司贊引內命婦各就位六品以下各服
其服俱詣室奉迎尚服負壘如式內僕進重翟於閣外尚儀版
奏外辦馭者執轡皇后首飾褱衣乘輿以出警蹕侍衛
如常儀皇后升車仗衛如常六尚等乘車陪從如式司
賓引內命婦退隨近以俟諸翊駕之官皆乘馬駕動稱
警蹕如常不鳴鼓角諸衛前後督攝如常外命婦三品
以上及公主縣主皆先置各就次俱服其服車駕將至
內侍之屬守廟四門內謁者贊外命婦妃主等出次內
典引引就位立駕過引還次初駕將至內侍之屬守廟

四門駕至廟北門迴車北向尚儀進當前跪奏稱尚儀
妾姓言請降車輿還侍位皇后降車升輿入大次繳扇
華蓋侍衛如常尚儀鹵簿停於廟外皇后停大次半刻
頃司言引尚宮立於大次門外當門西向尚儀版奏外
辦皇后出次侍衛如常尚服負璽陪從如式司言引尚宮尚宮引
皇后凡尚宮前導皆司言先引至版位北向立尚宮與司言退立於
左皇后立定尚宮前奏請再拜皇后再拜少頃尚宮又
奏請再拜皇后再拜訖司言引尚宮尚宮引皇后還
大次內侍版奏請解嚴將士不得輒離部位皇后停大次八刻頃
槌一鼓為一嚴轉仗衛於還途如來儀三刻頃槌二鼓

為再嚴尚儀版奏請中嚴皇后改著鈿釵禮衣五刻頃
槌三鼓為三嚴六尚以下詣大次奏迎內僕進重翟於
廟北門外尚儀版奏外辦馭者執轡皇后乘輿出次華
蓋侍衛如常皇后升車鼓吹振作而還六尚等升車陪
從如來儀皇后將出門內謁者贊引外命婦等出次內
典引引就位駕至位所內侍奏請駕權停外命婦再拜
訖內侍承令令外命婦還外命婦又再拜車駕過內典
引引外命婦各還第駕至所御殿閣外迴車南向尚儀
進當車前跪奏稱尚儀妾姓言請降車還侍位皇后降
車輿以入侍衛如常於車駕將至司賓引內命婦俱就



位皇后既人司賓引內命婦退內侍版奏請解嚴將士各還其所

通典卷第一百二十二

通典卷第一百二十三

唐 京 兆 杜 佑 君 卿 纂

禮八十三 開元禮纂類十八 嘉一

皇帝皇后正至受皇太子朝賀

前二日本司宣攝內外各供其職前一日尚舍奉御設御幄座於太極殿北壁南向守宮設皇太子次於承天門外朝堂北西向又於東宮朝堂設宮臣次如式太樂令展宮懸於殿庭如臨軒儀典儀設皇太子位於橫街南道東北面設典謁位於懸之東北贊者二人在南差退俱西面奉禮設宮臣版位於東宮朝堂如常其日依

乾隆十二年校刊

通典卷一百二十三

二

時刻宮官俱集於次各服其服諸衛率各勒所部陳設如常左庶子版奏請中嚴典謁引宮臣各就位如侍衛之官各服其器服右庶子負寶如式俱詣閣奉迎僕進金輅於西閣外南向內率一人執刀立於輅前北向中允一人在侍臣之前贊者二人在中允前左庶子版奏外辦僕奮衣而升正立執轡皇太子具服遠遊冠若未冠則雙童髻絳紗袍升輿而出左右侍衛如常儀內率前執轡皇太子升輅僕立授綬左庶子以下夾侍如常中允進當輅前跪奏稱中允臣某言請發引俛伏興退復位凡中允奏請皆如此儀輅動中允與贊者夾引以出內率夾輅而趨出出重

明門至侍臣上馬所中允奏請輅權停令侍臣上馬左庶子前承令退稱令曰諾中允退稱侍臣上馬贊者承傳文武侍臣皆上馬左庶子夾侍於輅前贊者在其奉宦人內侍臣上馬畢中允奏稱請令車右升左庶子前承令退稱令曰諾中允退復位內率升訖中允奏請發引退復位皇太子輅動三師乘車訓導三少乘車訓從鳴鑣而行文武宮臣皆乘馬以從至長樂門鑣吹止至次前迴輅西向內率降立於輅右左庶子進當輅前跪奏稱左庶子臣某言請降輅俛伏興還侍位皇太子降輅舍人引就次坐侍衛如常其日依時刻將士填街諸

通鑑卷百五十一
衛勒所部列黃麾大仗屯門及陳於殿庭如常儀皇太子既就次侍中版奏請中嚴進仗就陳於閣外太樂令帥工人入就位協律郎入就舉麾位諸衛之官各服其服符寶郎奉寶詣閣奉迎典儀贊者先入就位通事舍人引羣官四品以下次入就位皇太子出次舍人引皇太子三師三少導從如式入立於太極門外之東西諸衛率左右庶子舍人及近侍者量人從入侍中版奏外辦皇帝服袞冕之服乘輿以出曲直華蓋警蹕侍衛如常儀皇帝將出仗動太樂令撞黃鍾之鐘右五鐘皆應協律郎跪俛伏舉麾工鼓祝奏太和之樂鼓吹振作皇帝出自西房即御

座南向坐符寶郎奉寶置於御座如常協律郎偃麾夏南西面故樂止舍人引皇太子入就位諸衛率左右庶子以下從入者立於皇太子東北上皇太子初入門舒和之樂作至位樂止立定典儀曰再拜贊者承傳皇太子再拜舍人引皇太子詣西階初行樂作至階樂止舍人引進當御座前北面跪賀稱元正首祚景福惟新伏惟陛下與天同休冬至云天惟陛下如日之升以俛伏興舍人引降樂作復位樂止下諸正至賀詞並同皇太子再拜侍中前承制降詣皇太子東北西面稱有制皇太子再拜宣制訖皇太子又再拜典儀唱再拜皇太子又再拜通事舍人引出初行樂作出門樂止皇太子

乾隆十二年校刊

通鑑卷百五十一 禮八十三

子既出公主入朝賀如別儀○皇太子朝賀皇后前一日守宮設皇太子次於崇義門內隨地之宜其日司贊設皇太子版位於皇后正殿之庭懸南北面皇太子朝皇帝訖舍人引皇太子從納義門詣崇義門內次權停外命婦朝賀將訖舍人引皇太子出立於肅章門外命婦出訖內謁者監引皇太子至肅章門司賓承引皇太子人就位立定司贊唱再拜皇太子再拜訖司賓又引皇太子詣階升當御座前北面跪賀其賀訖司贊賀皇伏興引復位皇太子再拜尚儀前承令降詣皇太子西北東面稱令旨皇太子再拜宣令訖又再拜司贊唱再

拜皇太子又再拜司賓引皇太子至閣內謁者監承引以出舍人引皇太子乘車還宮如來儀

皇帝皇后正至受皇太子妃朝賀

其日依時刻諸衛率各勒所部陳布妃儀仗如常內廡尉進車於閣外司測量時刻啟外辦妃服飾褕衣乘車以出侍衛如常入至下車所妃降車侍從如常內侍所司引詣閣外皇帝卽御座南向坐侍衛如常司賓引妃升自西階進當御座前北面跪賀詞與上同唯加尊號耳賀訖起司賓引降復位妃再拜訖尚儀前承勅降詣妃西北東面稱有勅妃再拜宣勅訖又再拜司賓引妃出謁皇

后所御殿立於閣外六尚以下各服其服俱詣皇后內
閣奉迎如式皇后出卽御座南向坐近侍如常司賓引
妃入立於庭北面立定再拜司賓引妃升自西階進當
御座前北面跪賀賀詞同上賀起訖司賓引降復位妃再拜
訖尚儀前承令降詣妃西北東面稱令旨妃再拜宣令
訖又再拜司賓引妃出乘車還宮如來儀若諸王妃奉
勅同朝則各
服其服先至皇太子妃車所待隨入位在皇太子妃南
北西上唯不升於階上外與皇太子妃同若別朝亦
准皇太子妃式

皇帝正至受羣臣朝賀

并會

前一日尚舍奉御設御幄於太極殿北壁下南向鋪御

座如常守宮設羣官客使等次於東西朝堂太樂令展
宮懸於殿庭設麾於殿上西階之西東向一位於樂懸
東南西向鼓吹令分置十二案於建鼓之外乘黃令陳
車輅尚輦奉御陳輿輦尚舍奉御設解劔席於懸西北
橫街之南並如常儀典儀設文官三品以上位於橫街
之南道東褒聖侯於
三品以下介公鄴公於道西武官三品以上
於介公鄴公之西少南每等異位重行北面相對爲首
設文官四品五品位於懸東六品以下於橫街南每等
異位重行西面北上設諸州朝集使位都督刺史及三
品以上東方南方於文官三品之東重行北面西上西

方北方於武官三品之西重行北面東上四品以下皆分方位於文武官當品之下諸州使人分方位於朝集使亦如之設諸親位於四品五品之南皇宗親在東異姓親在西設諸方客位三等以下東方南方於東方朝集使之東每國異位重行北面西上西方北方於西方朝集使之西每國異位重行北面東上四等以下分方位於朝集使六品之下重行每等異位設典儀位於懸之東北贊者二人在南少退俱西面奉禮設門外位於東朝堂每等異位重行西面褒聖侯於三品之下介公鄴公於西朝堂之前武官於介公之南少退每等異位重行東面諸親位文武

官四品五品之南皇宗親在東異姓親在西設諸州朝集使位東方南方於宗親之南每等異位重行東面諸州使人分方位於朝集使之下亦如之諸方客位東方南方於東方朝集使之南每國異位重行西面北上西方北方於西方朝集使之南東而北上其日依時刻將士填街諸衛勒所部列黃麾大仗屯門及陳於殿庭如常儀羣官諸親客使集朝堂皆就次各服其服侍中版奏請中嚴太樂令帥工人入就位協律郎入就舉麾位諸侍位之官各服其服符寶郎奉寶俱詣閣奉迎典儀帥贊者先入就位吏部兵部主客戶部贊羣官客使俱出次通事舍

人各引就朝堂前位又通事舍人引四品以下及諸親
客使等應先置者入就位侍中版奏外辦皇帝服衮冕
冬至則服通天冠絳紗袍御輿以出曲直華蓋警蹕侍衛如常儀皇
帝將出仗動太樂令令撞黃鍾之鐘右五鐘皆應協律
郎俛伏舉麾鼓祝奏太和之樂鼓吹振作以姑洗之均
皇帝出自西房卽御座南向坐符寶郎奉寶置於御座
如常協律郎偃麾戛敵樂止通事舍人引公王以下及
諸方客使等以次入就位皇太子若來朝皇太子朝公出訖典謁引公王以下入
初入門舒和之樂作公至位樂止羣官客使等立定典
儀曰再拜贊者承傳羣官客使等皆再拜訖通事舍人

引上公一人詣西階初行樂作至解席樂止公就席
脫舄跪解劍置於席俛伏興通事舍人引升階進當御
座前北面跪賀稱某官臣言賀詞出唯稱尊號爲異賀訖俛伏
興通事舍人引降階席後上公跪劍俛伏興納舄樂
作復橫街南位樂止羣官客使等皆再拜侍中前承詔
降詣羣官東北西面稱有制羣官皆使等皆再拜宣制
日履新之慶與公等同之冬至云長之慶與公等同之宣訖羣官客
使等皆再拜訖舞蹈三稱萬歲訖入再拜侍中還侍位
初羣官將朝中書侍郎以諸州鎮衣別爲一案俟於右
延明門外給事中以祥瑞案俟於左延明門外俱令吏

絳公服對舉案侍郎給事中俱就侍臣班班初入戶部
以諸州貢物陳於太極門東西階禮部以諸蕃貢物最
可執者蕃客手執入就內位其里大者陳於朝堂前初
上公將入門中書侍郎降引表案入詣西階下東面立
給事中降引祥瑞案入詣東階下西面立上公將升賀
中書令黃門侍郎俱降各立階下初上公升階中書令
黃門侍郎各取所奏之文以次升上公賀訖中書令前
跪奏諸方表訖黃門侍郎又進跪奏祥瑞訖俱降置所
奏之文於案各還侍位侍郎與給事中引案退至東西
階前案遂出侍郎給事中還侍位初侍中宣制訖朝集

使及蕃客皆再拜訖戶部尚書進階間北面跪奏

其進書奏

仍待黃門侍郎奏祥瑞訖

稱戶部尚書臣某言諸州貢物付所司俛

伏興侍中前承制退稱制曰可尚書退復位禮部尚書
以次進詣階間北面跪奏稱禮部尚書臣某言諸蕃貢
物請付所司俛伏興侍中前承制退稱制曰可尚書退
復位侍中還侍位太府率其屬受諸州及諸蕃貢物出
歸仁納義門執物者隨之典儀曰再拜通事舍人以次
引北面位者出公初行樂作出門樂止侍中前跪奏稱
侍中臣某言禮畢俛伏興還侍位皇帝興太樂令令撞
蕤賓之鐘左五鐘皆應奏太和之樂鼓吹振作皇帝降

通考卷三十三
座御輿入自東房侍衛警蹕如來儀侍臣從至閣樂止
通事舍人引東西面位者以次出蕃客先出其冬至受
又無諸
方表

會

朝訖太樂令設登歌於殿上引二舞入立於懸南面尚
舍奉御鋪羣官升殿者座文官三品以上於御座東南
西向袞聖侯於介公鄴公於御座西南東向武官三品
以上於介公鄴公之後朝集使都督刺史及三品以上
東方南方於文官三品之後西方北方於武官三品之
後蕃客三等以上東方南方於東方朝集使之後西方

北方於西方朝集使之後俱重行每等異位以北爲上
設不升殿者座各於其位又設羣官解劔席於懸之西
北橫街之南並如常儀尚食奉御設壽罇於殿上東序
之端西向設坫於罇南加爵一太官令設升殿者酒罇
於東西廂近北設殿庭羣官酒罇各於其座之南皆有
坫羣俱障以帷施設訖吏部兵部戶部主客贊羣官客
使俱出次通事舍人各引就朝堂前位典儀帥贊者先
入就位通事舍人名引升殿者次入就位侍中版奏外
辦皇帝服通天冠絳紗袍冬至則不改服御輿以出曲直華蓋
警蹕侍衛如常儀皇帝將出仗動太樂令令撞黃鍾之

鐘右五鐘皆應奏太和之樂鼓吹振作皇帝出自西房
卽御座南向坐符寶郎奉寶置於座如常樂止典儀一
人升就東階上西面立通事舍人引公王以下及諸客
使以次入就位公王初入門樂作至位樂止羣官客使
立定若朝會日別設位贊拜陳引如朝侍中進當御座
前北面跪奏稱侍中臣某言請延諸公王等升俛伏興
又侍中稱制曰可侍中詣東階上西面稱制延公王等
升殿上典儀承傳階下贊者又承傳羣官客使皆再拜
侍中還位羣官拜訖通事舍人引應升殿者詣東西階
公初行樂作至解劔席樂止公王以下各脫舄跪解劔

置於席上俛伏興通事舍人接引上公一人升階少東
西面立定以下各立於座後立定光祿卿進詣階間跪
奏稱臣某言請賜羣官上壽俛伏興侍中稱制曰可光
祿卿進詣酒樽所西面立通事舍人引上公詣酒樽所
北面立尚食奉御酌酒一爵授上公公搢笏受爵通
事舍人引上公進到御座前北面授殿中監殿中監受
爵進置御前上公執笏通事舍人引上公退北面跪稱
某官臣某等稽首言元正首祚冬至云天臣等不勝大
慶謹上千萬歲壽俛伏興再拜羣官客使等上下俱再
拜立於席後侍中前承制退稱敬舉公等之觴羣官客

使等上下又再拜殿中監取爵奉進近臣遞進皇帝舉酒休和之樂作羣官客使等上下皆三舞蹈稱萬歲皇帝舉酒訖殿中監進受虛爵以授尚食奉御奉御受爵復於坵樂止初殿中監受虛爵殿上典儀唱再拜階下贊者承傳羣臣客使等上下皆再拜通事舍人引上公就座後立殿上典儀唱就座階下贊者承傳羣官客使等上下俱就座俛伏坐太樂令引歌者及瑟琴至階脫履於下升就位坐其笙管者進詣西階間北面立尚食奉御進酒至階殿上典儀唱酒至與階下贊者承傳羣官客使等上下皆俛伏起立於席後殿中監到階省酒

尚食奉御奉酒進皇帝舉酒太官令又行羣官酒酒至殿上典儀唱再拜階下贊者承傳羣官客使等皆再拜搢笏受觶殿上典儀唱就座階下贊者承傳羣官客使等上下皆就座俛伏坐飲皇帝初舉酒登歌作昭和之樂三終尚食奉御進受虛觶復於坵登歌訖降復位觴行三周尚食奉御進御食食升階殿上典儀唱食至與階下贊者承傳羣官使客等上下皆執笏俛伏起立座後殿中監到階省按尚食奉御品嘗食訖以次進置御前太官令又行羣官按御若不食羣官按先上訖不須與設食訖殿上典儀唱就座階下贊者承傳羣官客使等上下皆就座

俛伏坐皇帝乃飯休和之樂作羣官客使等上下俱飯
御食畢樂止仍行酒遂設庶羞太樂令引二舞以次入
作若賜酒侍中承詔詣東階西面稱賜酒殿上典儀承
傳階下贊者又承傳羣官客使等上下皆執笏俛伏起
再拜搢笏立授鱓就席俛伏坐飲訖俛伏起立授虛爵
執笏又再拜就座酒行十二編會畢殿上典儀唱可退
階下贊者承傳羣官客使等上下皆俛伏起立席後通
事舍人引降階俱詣席後跪著劍俛伏興納烏樂作復
橫街南位樂止位於殿廷者仍立於席後立定典儀曰
再拜贊者承傳羣官客使等在位者皆再拜

位於殿庭者拜於席

後若有勅賜物侍中前承制降詣羣官東北西面稱有
制羣官客使等皆再拜侍中宣制訖羣官客使等及再
拜通事舍人引羣官客使以次出公初行樂作出門樂
止侍中前奏稱侍中臣某言禮畢俛伏興還侍位皇帝
興太樂令令撞蕤賓之鐘左五鐘皆應奏太和之樂鼓
吹振作皇帝降座御輿入自東房侍衛警蹕如來儀侍
臣從至閣樂止通事舍人引東西面位者以次出
皇帝若服翼善冠袴褶朝集使著公服
升座者服履如式若設
九部樂則去樂懸無警蹕太樂令帥九部伎立於左右
延明門外羣官初唱萬歲太樂令卽引九部伎聲作而

入各就座以次作如式

皇帝千秋節受羣臣朝賀 并會

前三日所司供備如式前一日尚舍鋪御座內外張設
並如常御樓之儀尚舍光祿供辦如式尚食先置壽罇
於樓上御座之東又置壽罇於樓前之東 皆有蓋竿 其日
平曉陳引仗衛如常儀百官常服成就橫街南依東西
班序立侍中版奏外辦皇帝常服御座候褰簾通事舍
人引羣官詣橫街北壽罇之南俱北面中書門下及供
奉官如常式立定典儀贊再拜橫街南北百官俱再拜
訖尚食奉御酌壽酒以授殿中監殿中監以授侍中侍

中執酒以立殿中監受侍中之酒侍中執笏稍前跪奏
稱千秋令節臣等不勝八慶謹上千萬歲壽奏訖興再
拜羣官上下皆再拜內所司酌壽罇之酒以進皇帝受
酒承制宣云得卿等壽酒與卿等內外同慶皇帝舉酒
羣官上下又再拜三呼萬歲舞蹈又再拜訖詣座所太
官令酌酒以進侍中執酒以出羣官等俱出謝酒訖就
座太常卿引樂作止如常儀 其橫街南羣官應有常儀食者引就座如式餘退 其
羣官所獻甘露醇酎尚食寺所由並其日平曉於樓之
便門奉進會畢樓上褰簾羣官各出就位立定典儀贊
再拜羣官等俱再拜 若臨時別有進止隨事贊相 垂簾羣官退

皇后正至受羣官朝賀

前一日尚寢率其屬設御幄座如外命婦朝儀守宮設次於宮城門外如常儀其日未明一刻諸衛各勒所部屯門列仗及陳布於肅章門外奉禮設文武羣官諸親蕃客使等衛於宮城門外如朝堂之式典儀設文武羣官位於肅章門外文東武西俱重行北面相對為首諸親位於文武五品之下朝集使蕃客等分方位次如常設典儀贊者位於羣官東北差退西向北上又設內給事位於羣官之北南向若與外命婦同時朝則典儀於肅章門外設羣官等版位文武羣官依時刻集列門外俱就次各服其服若與上朝賀同上朝賀

則上臺禮畢羣官仍朝服典儀奏請申嚴六尚以下

謁引從納義門西行就版位各服其服俱詣內閣奉迎典儀融贊者先入就位典儀引文武羣官入就位尚儀奏外辦皇后首飾禕衣以出即御座南向坐侍御警蹕及設琮璽於御座並如常儀內謁者監引內給事出就南面典儀曰再拜贊者傳文武羣官等俱再拜典儀引為首者一人進內給事前北面跪賀詞至正並與賀皇帝同唯伏惟殿下與時同休為異耳賀訖俛伏典儀謁引退復位羣官等皆再拜內謁者監引內給事入依式奏聞內給事承令出謁者監引內給事復南面位稱令旨羣官等皆再拜內給事宣令云履新冬至云履長大慶

與公等同之羣官等又再拜內謁者監引內給事入典謁引羣官等尙儀前奏禮畢皇后降座以入侍衛警蹕如常儀

皇后正至受外命婦朝賀 并會

前二日本司宣攝內外各供其職前一日守宮設外命婦次如常儀尙寢率其屬設御幄於皇后正殿北壁南向又設命婦爲首者脫舄席於西階前近西東向如武司樂展宮懸之樂於殿庭設麾於殿上西階之西東向內僕進重翟以下於肅章門外道東西向北上司贊設命婦版位於殿庭大長公主以下在東太夫人以下在

西諸親婦女之下

宗親在東異姓在西

俱重行北面相對爲首內

謁者設外命婦等位於肅章門外大長公主以下於道東太夫人以下於道西俱重行相向北上命婦有從夫之爵無夫有從子之爵設司贊位於東階東南西向掌贊二人位於司贊之南差退俱西向受朝日依時刻諸衛勒所部屯門列仗及陳布於肅章門外如常儀外命婦等依時刻集到宮門外至下車所道西東向以車爲次北上車次定命婦等皆降車內典引引之次各服其服尙儀奏請中嚴宮官侍衛者皆朝服司寶奉琮寶儀式俱詣內閣奉迎司樂帥女工人入就位典樂升就舉

麾位司贊先入就位內典引引命婦俱就肅章門外位
尚儀奏外辦皇后首飾禕衣以出警蹕如常儀皇后出
自西房典樂舉麾奏正和之樂卽御座南向坐司寶奉
琮寶置於御座如常偃麾樂止凡樂皆典樂舉麾工鼓
祝而後作偃麾憂故而
後止司賓承引命婦以次入就位爲首者初入門舒和樂
作至位樂止命婦等立定司贊曰再拜掌贊承傳外命
婦皆再拜司賓引爲首者一人詣西階爲首者初行樂
作至階樂止爲首者脫舄升進當御座前北面跪賀稱
妾姓等言賀詞與
羣官同賀訖起司賓引爲首者降階納舄樂
作復位立定樂止司贊者曰再拜掌贊承傳外命婦等

皆再拜司言承前令降白西階詣命婦西北東面稱令
旨外命婦等皆再拜宣令曰履新之慶冬至云履
長之慶夫人
等同之司贊者曰再拜掌贊承傳外命婦等皆再拜司
賓以次引出爲首者初行樂作出閣樂止內典引承引
以出尚儀前奏禮畢還侍位皇后降座樂作入自東房
侍衛警蹕如來儀樂止女工人退

會

朝訖尚寢帥其屬鋪外命婦等之座於殿上大長公主
以下於御座東南重行西向太夫人以下於御座西南
重行東向設不升殿者座席於東西廊下皆如上儀又

量設脫履席於東西階下尚食設壽罇於殿上東序之
端西向有坵爵一於罇下設升殿者酒罇於東西廊下
近北設廊下者酒罇各於其座之南皆有坵幕俱障以
帷設訖司樂帥諸樂人就位內典引引外命婦俱詣肅
章門外位尚儀奏外辦皇后首飾褱衣以出警蹕侍衛
如常儀皇后出自西房典樂舉麾正和之樂作卽御座
南向坐司寶奉琮寶置於御座如常儀偃麾樂止司寶
承引外命婦以次入就位爲首者初入門樂作至位樂
止外命婦立定若朝會別日贊拜如朝禮司言前承令降詣命婦西
北東向稱令旨夫人等升席座司贊曰再拜贊者承傳

外命婦等皆再拜訖司賓引外命婦應升殿者詣東西
階樂作爲首者至階樂止俱就席脫舄於階下以升司
賓引爲首者一人升階近東西而立以下各就席後立
司賓引不升殿者詣東西廊下席後立上下立定司賓
引爲首者詣酒罇所北面立尚食酌酒一爵以授爲首
者司賓引爲首者至御座前北向授尚食尚食受爵進
置御座前司賓引爲首者退北面爲首者跪奏稱妾姓
等言元正首祚冬至云天妾等不勝大慶謹上千萬歲
壽興再拜外命婦等皆再拜訖司言前承令宣令云令
旨夫人等同納景福外命婦等又再拜尚食取爵奉進

皇后舉酒樂作外命婦等皆三稱萬歲皇后舉酒訖尚
食受虛爵復於坵樂止司贊曰再拜掌贊承傳外命婦
等皆再拜司賓引爲首者就席後立司贊曰就座掌贊
承傳外命婦等俱就位尚食進酒至階司贊曰酒至興
掌贊承傳外命婦等俱興立席後尚儀至階省酒尚食
奉酒進皇后舉酒樂作如常又行外命婦酒酒至司贊
曰再拜掌贊承傳外命婦等俱再拜受醵司贊曰就座
掌贊承傳外命婦等俱就座坐飲皇后舉酒訖尚食受
虛爵復於坵樂止觴行三周尚食奉御食食升階司贊
曰食至興掌贊承傳外命婦等皆起立席後尚食至階

省校尚食品嘗食訖以

次進置御前又行命婦按

御若不食

外命婦按先

設食訖司

贊曰就座掌贊承傳外命婦等

皆就席坐皇后飯樂作外命婦等俱飯御食畢樂止仍
行酒遂設庶羞諸伎以次作若賜酒司言前承令詣東
階上西向稱賜酒階下掌贊承傳外命婦等皆起再拜
立受醵坐飲訖起立虛醵又再拜就席坐酒行十二
徧會畢司贊曰可起贊承傳外命婦等皆起立席後
司賓引降各納鳥樂俱引復階下位樂止其廊下者
仍立於席後立定司贊曰再拜掌贊承傳外命婦等在
位者皆再拜若有束帛則尚功帥其屬以束帛先立於

東西廂司言前承令降白西階詣命婦西北東面稱令
旨外命婦等皆再拜宣令訖外命婦等又再拜尚功帥
其屬以次受束帛訖外命婦等又再拜司賓引命婦等
以次出樂作出門樂止內典引承引次出尚儀前奏禮
畢遂還侍位皇后降座樂作入自東房警蹕侍衛如來
儀樂止

通典卷第一百二十三

文化甲子

